





鴻苞集卷之十九

明東海屠隆緯慎著

西吳茅元儀公選訂

遐覽

學者欲汎觀六合博覽千古其必由讀書格物乎
然仲尼辯萍實獷羊赤雀銜書子產識實沉臺駘
張華知海鳧之毛龍肉之鮓仙館玉漿神穴石髓
則似非從好古中來者古聖賢豈別有靈竅乎神
禹平水土四乘之跡遍於八荒鑄九鼎以象神姦

使民莫能逢之山海經白澤圖爾雅穆天子傳竹
書紀年往往蒐奇秘述神怪宇宙大矣達觀之士
何所不知張華聰慧好觀秘異圖緯之部攬採天
下遺逸自書契之始考驗神怪及閭閻聞見造博
物志今其書尚存余讀而頗陋之所稱引多鄙細
小物不經鴻儒鉅人略焉及考王子年拾遺記始
知華當時所著四百卷晉武帝厭其浮妄謂仲尼
刪詩書不及鬼神幽昧之事以言怪力亂神今卿
博物志驚所未聞異所未見將恐惑亂後生蘩蕪

耳目命芟截浮疑僅存十卷而已想宇宙間奇瑰
偉麗者盡被剗去宜其所存鄙細不足觀也使後
世好古耽奇之士不得見此一種異書備古今遐
覽可惜哉以物而不能名大哉却見者已廣桑子

兼剗念以從事大道而猶似不忘情區區何故然
觀始皇帝得祖洲不死草以問北郭鬼谷先生先
生對以瓊田神芝了了有據卽神禹石函長生文
秘在巖穴百千年而仲尼知之而真人陶都水葛
稚川咸覽物綜類博極群書嗟乎則有說矣夫博

使民莫能逢之山海經白澤圖爾雅穆天子傳竹
書紀年往往蒐奇秘述神怪宇宙大矣達觀之士
何所不知張華聰慧好觀秘異圖緯之部攬採天
下遺逸自書契之始考驗神怪及閭閻聞見造博
物志今其書尚存余讀而頗陋之所稱引多鄙細
贅而割諸鴻儒鉅人略焉及考王子年拾遺記始
世攷古邇奇之士不特具此一軼異書兼古今選
輯撰者盡歟倏去宜其復并漏畛不且購出野餘
耳目命芟蕪採錄對并十卷而巳默宇宙間奇蹟

○博蒐上

夫靈明一竅刻有觀空盡遣紛汨之塵而獨立于
條寥之上乃歸真元老子曰博溺心夫其溺也將
惡用博舉以物而不能名大哉却見者已廣桑子
業剗念以從事大道而猶似不忘情區區何故然
觀始皇帝得祖洲不死草以問北郭鬼谷先生先
生對以瓊田神芝了了有據卽神禹石函長生文
秘在巖穴百千年而仲尼知之而真人陶都水葛
稚川咸覽物綜類博極群書嗟乎則有說矣夫博

以溺心雖一語猶障識以資慧卽百物皆通愚屏
居多暇頗以載籍自娛間取殺青所具及胸臆所
收古今寰宇見聞名物一一筆之薄蹠以待昕夕
自遊覽天地大矣愚惡能蒐括靡遺吾聊以識吾
一二弇州有言余淫于末矣若以性命照之洵末
也所謂爲之猶賢乎已冲人寂士無取焉

天地者氣也其主宰理也其神天帝后土也禮樂
志稱天爲泰元地爲媪神甘泉賦稱天闔地垠列
子曰天地有太易太初太始太素太易者未見氣

也太初者氣之始也太始者形之始也太素者質之始也漢書律曆志曰太極元氣函三爲一尚書考靈曜曰中央鈞天其星角亢東方皞天其星房心東北變天其星斗箕北方玄天其星須女西北幽天其星奎婁西方成天其星胃昂西南朱天其星參狼南方赤天其星輿鬼東南陽天其星張翼軫蔡邕天文志曰言天體者有三家一曰周髀二曰宣夜三曰渾天宣夜之學絕無師法周髀衍數具存驗天狀多所違失故史官不用惟渾天近得

其情今史官所用候臺銅儀則其法也五經通義
曰神之大而最尊者曰昊天上帝其佐曰五帝東
方青帝其神勾芒南方赤帝其神祝融西方白帝
其神蓐收北方黑帝其神玄冥中央黃帝其神少
皞天上有鬱蕭之殿彌羅之宮上帝所居常有紅
雲擁護雖真仙罕得見其面天有九關虎豹守之
上帝端居穆清而天官列仙萬靈分職宣教按玉
皇上帝初劫爲光嚴妙樂國淨德王太子捨位修
道八百劫捨位修行忍辱三千二百劫始證金仙

爲清淨自然覺王如來又經億劫來居玉帝位又
須彌山半四萬二千由旬有四天王須彌山頂爲
帝釋天又名忉利天梵言忉利華言三十三帝釋
天有三十三種竝統于帝釋天主上一倍爲夜摩
天上爲兜率陀天化樂天他化自在天梵衆天梵
輔天大梵天少光天無量光天光音天少淨天無
量淨天徧淨天福生天福壽天廣果天無想天無
煩天無熱天善見天善現天色究竟天無邊空處
天無邊識處天無所有處天非想非非想處天四

天以下又有日月星宿天常僑天持鬘天堅首天
共三十三天又大黃皇曾天大明玉完天清明何
童天玄胎平育天元明文舉天七曜摩夷天名六
天又常融玉隆梵度覆奔名四天又大赤禹餘清
微名三清上又有大羅天按道家稱元始天尊居
玉清清微天靈寶道君元始弟子居上清禹餘天
太上老君爲元始系子靈寶弟子居太清大赤天
又欲界天雖清虛而尚有情欲色界天無情欲而
但有色象無色界天并色象亦無之矣蓋漸高漸

上而漸以清虛三十三天名號微有不同至掌管
下界生靈則玉皇上帝也又道書云九霄謂神霄
青霄碧霄丹霄景霄玉霄琅霄紫霄太霄又酉陽
雜俎云天翁姓張名堅字刺渴竊乘白龍上奪劉
翁天位此荒唐不經太甚無取焉人證仙品最上
則昇天界其次則且居名山洞府若蓬萊三島諸
處積功修行若佛則一證真空直超三界又虛空
垓北亭毒太清昊天旻天王玉清玉宇空碧丹霄絳
霄璇霄玉京瑤京紫清紫府太空太昊皇穹玄造

眞宰皆稱天也八荒八埏八紘九域赤縣神州堪輿方輿寰宇寓縣齊州九有六合六幕皆稱地也陰陽之精是爲日月黃庭經云鬱儀結璘善相保鬱儀奔日之仙結璘奔月之仙佛經云日天宮殿遶須彌半常行不息南閻浮提日正中時東弗婆提日則始沒西瞿陀尼日將出北鬱單越正當夜半苑伽河苑伽此云天堂西域謂此河從天堂來故云從東面金象口而出流入東海苑音競日天以天金及頗梨合成宮殿正方如宅遙看似圓日

神曰日天子月神曰月天子日御曰羲和又曰曜
靈又曰東君淮南子云日出於暘谷浴於咸池拂
於扶桑是爲晨明登于扶桑之上爰始將行是爲
朏明至於曲河是爲朝明臨于曾泉是爲早食次
于桑野是爲晏食臻于衡陽是爲禺中對于昆吾
是爲正中靡于鳥次是爲小遷至於悲谷是爲晡
時迴于女紀是爲大遷經于隅泉是爲高春頓于
連爛石是爲下春爰上羲和爰息六螭是爲懸車
薄于虞泉是爲黃昏淪於蒙谷是爲定昏又儒者

論曰日出扶桑暮入細柳扶桑東方細柳西方月
晦而見西方曰朏朔而見東方曰朏月初生三日
曰朏朏音匪初生而如弦謂之弦既圓而滿謂之
望月御曰望舒又曰姮娥又曰月姝月中有黑影
先儒以爲大地山河之影木玄虛海賦大明撫轡
於金樞之穴金西方月精也金樞之穴西方月藏
處也日月金木水火土五星謂之七曜又謂之七
政尚書曰在璿璣玉衡以齊七政日月星謂之三
光又謂之三靈律曆志曰太初上元甲子夜半朔

旦冬至時七曜皆會聚故日月如合璧五星如連珠說文曰萬物之精上爲列星天文志曰歲星木春屬東方爲仁爲貌熒惑火夏屬南方爲禮爲視鎮星土季夏屬中央爲信爲心太白金秋屬西方爲義爲言辰星水冬屬北方爲智爲聽是爲五星大象列星圖曰北極五星一名天極一名北極第一星爲太子第二星最明者爲帝第三星爲庶子餘二後宮屬也又云心火星天王也其前星太子後星庶子也餘二星後宮屬也竝在紫微宮中又

四輔四星在紫微宮中此爲輔臣之位又鉤陳六
星在紫微宮中華蓋之下護軍將軍之象又華蓋
七星其柱九星合十六星如蓋狀在紫微宮臨鉤
陳以蔭帝座又女史一星在紫微宮中柱史此婦
人之官掌記宮中之事又柱下史一星在紫微宮
中近尚書此左右掌記君之過又尚書五星在紫
微宮中東南之隅此八座大臣之象又北斗七星
近紫微宮南在太微北是謂帝車是爲天樞主號
令運乎中央而臨制四方建四時均五行移節度

定諸紀皆繫於北斗七星者第一天樞第二璇第三璣第四權第五玉衡第六開陽第七瑤光第一至第四爲魁第五至第七爲杓合爲斗居陰布陽故稱北斗魁柄也又按道藏經七星一名貪狼二名巨門三名祿存四名文曲五名廉貞六名武曲七名破軍又有左外輔右內弼破軍前離一箭地爲罡星又文昌六星在北斗魁前六星一曰上將二曰次將三曰貴相四曰司命五曰司祿六曰司災又宦者四星次帝座西南主侍衛帝旁闡人也

又勢四星在太陽西北主刑餘人用事又輔一星
附北斗杓第六星大臣之象也又八穀八星在紫
微垣之外五軍之北主民間八穀又房四星去氐
十五度爲明堂布政之宮又傳說一星在尾後河
中蓋後宮女巫主祝祠神靈祈禱以求子胤又杓
三星在箕南主春杓之用又農丈人一星在南斗
南主農正官也又南斗六星去牽牛二十六度四
分之一爲天廟丞相太宰之位主薦賢良授爵祿
又河鼓三星在牽牛北主軍鼓俗言黃姑卽河鼓

也音訛蓋天子三將軍也中央大將軍也其南左
星左將軍也其北右星右將軍也所以備關梁而
拒難也又內杵三星在人星傍主軍糧又漸臺四
星屬織女左足主畧刻律呂又弧九星在狼星東
南主備盜賊又天錢十星在北落西北主財帛所
聚又東壁二星去營室十六度天子圖書之秘府
也又羽林四十五星二三而聚在疊壁南主三軍
兵革之事又進賢一星在太微宮東華門東平之
道西主訪賢薦士又大微宮垣十星在翼軫北主

天子之宮庭五帝之佐十二諸侯府也其外藩南
二星間名曰端門東門一星爲左執法廷尉之象
又軒轅十七星在七星北如龍之體主雷雨之神
後宮之象又天街二星在畢昴間主國界也街南
爲華夏之國街北爲戎夷之國又玉井四星在參
星主水泉又卷舌六星在昴北天譏星在卷舌中
皆主讒佞言語之象又天廩四星在昴南主積聚
黍稷廟祀御膳又天苑十六星在昴畢中主天子
苑囿又參謀九星在參畢間一曰天弓星又闕丘

二星在南河主天子宫闕諸侯之兩觀也又大理
四星在斗中主貴人牢又爲執法之官又庫樓十
五星在左角南器府東一名天庫兵車之府又招
搖一星在梗河北主夷狄招搖一名矛盾胡星也
梗河一名天矛亦主兵又貫索九星在七公前主
牢獄事又二十八宿各屬九州分野長庚卽太白
朝見東方曰啓明夕見西方曰長庚卽一星也瑞
星曰景星亦曰德星妖星曰孛星彗星曰長星亦
曰欃槍又妖星芒角四出者曰孛芒角長如帚者

曰彗極長者曰蚩尤旗太白經天者太白陰星晝
當伏晝見則爲經天熒惑守心者行經心度佳而
不過也又歲星所居之國爲福所對之國爲衝有
殃福主豐稔殃主饑荒西京雜記曰瑞雲曰慶雲
亦曰卿雲景雲五色曰慶雲三色曰霽雲雨雲曰
油雲雪雲曰同雲同雲者言雲陰竟天同爲一色
雲神曰雲中君亦曰雲將周禮曰保章氏以五色
雲物辯吉凶之祲祥占視日旁雲氣青爲虫白爲
喪赤爲荒黑爲水黃爲豐傳曰凡分至啓閉必書

雲物爲備故也易緯曰八節之風謂之八風立春
條風至春分明庶風至立夏清明風至夏至景風
至立秋涼風至秋分閭闔風至立冬不周風至冬
至廣莫風至古設相風竿以候災祥風神曰風伯
又曰飛廉又風神名群梁玄黃毗嵐風佛家所謂
剛猛風也又曰巽二俗曰起封家十八姨孔子時民
謠曰天將大雨商羊封起舞商羊一足鳥也或曰商
羊商羊一足兩股天晴則鳴天雨則舞暮霞晴朝
霞雨雨後日出晏晴日出早雨又魚驗將雨蟻徙

將雨黑蜨躍將雨朱鱉浮於水上將雨又焦明至
將雨焦明水鳥也雨神名漭漭字鬱光又雨師曰
屏翳又木郎雨神董仲舒繁露有木郎祈雨呪按
太乙碧玉之府乃木郎皓靈神君居其左主祈雨
瑞華東靈神君居其右主祈雪左宮有三山右宮
有四壘乃太乙府左宮三山之雄神也又黃帝時
赤松子爲雨師書云星有好風星有好雨好風箕
星也好雨畢星也天有五雷雷公色如丹目如鏡
肉角長三尺長喙狀如獼猴雷神名豐隆又名蒼

牙按金光流精乃西南雷神人首神身洞陽幽靈
乃東北雷神人首魚身玉雷皓師乃東南雷神人
首龜身虛皇泰華乃西北雷神人首蛇身登僧澤
願乃雷府火車各見雷書律令雷邊善走之鬼令
平聲神異傳曰東王公與玉女投壺矢設而不接
天爲之笑開口流光今電是也雷曰列缺又雷公
電母又九天無極盟威真人行號令召命東方蠻
雷神將姓朱名青童霜神爲青女淮南子曰至秋
三月青女乃出降以霜雪冰雪謂之霄雪霄音屑

夾雨雪也古語吳一起風滕六降雪詩云雨雪其
雱先集維霰霰音線雪珠也穀梁注曰雹者陰脅
陽臣侵君之象春秋感精符曰大臣擅法雨雹雹
者雨如砲也爾雅曰蜺蜺虹也霓爲絜貳沈約賦
曰雌霓連蜺尚書曜靈注曰日傍白者爲虹青赤
者爲霓虹霓天之淫氣也抱朴子曰崑崙山爲柱
氣上通天崑崙者地之中也下有八柱柱廣十萬
里有三千六百軸互相牽制名山大川孔穴相通
爾雅曰東至泰遠西至邠國南至濮鈇北至祝漂

謂之四極觚竹西王母日下謂之四荒九夷八狄
七戎六蠻謂之四海距齊州十以南戴日爲舟穴
北戴斗極爲空桐東至日所出爲太平西至日所
入爲太蒙管仲曰地東西二萬八千里南北二萬
六千里出水者八千里受水者八千里出銅山四
百六十七出鐵山三千六百九十處封禪之王七
十二家淮南子曰禹使大章步自東極至于西極
二億三萬三千五百七十里使豎亥步自北極至
于南極二億三萬三千五百七十里與管仲所言

大異要之皆不可據也大地之上多神嶽巨鎮名山勝水珍奇孕育仙靈窟宅者天地清英之氣所結也山頂謂之山巔山腰謂之山椒山足謂之山麓山轉藏處謂之山隈又謂之山阿又謂之巖阿山脊曰岡又山平者曰岡山穴曰岫山峻曰峰水邊謂之水濱水干水涯水曲水洑海邊謂之海陬海岸海壖江邊謂之江干江溼江介河邊謂之河干河濱河曲又有陂陀池塘津滙浦漉澤國洲渚島嶼等名泰華嵩衡恒爲五嶽江淮河漢爲四瀆

至尊稱孤謙也老子曰侯王自稱孤寡不穀縣官亦天子也行在天子所居之處輦轂天子之車輿也屬車相如傳犯屬車之清塵漢制大駕屬車八十一乘天子父天母地兄日妹月三宮天子太后皇后也禮記婚義曰古者天子立六宮一后三夫人九嬪二十七世婦八十一御妻東宮太后所居中宮皇后所居椒房皇后所居以椒和泥塗壁取其溫而芳也諸姬有美人八子七子八七祿秩之差也倢伉接也言接幸於上也伉美也充

依言充後庭而依秩也昭儀昭顯其儀示隆重也
容華言有容儀華美也無涓保林涓潔也無涓言
無所不潔也保林言可保安衆如林也皇后之璽
與帝同金螭虎紐良娣太子之內官也太子有妃
有良娣娣音弟丞相宰相也匡弼天子禮絕百僚
丞相之名起於秦而漢因之三公者三師也三師
太師太傅太保師天子所師法傅傅相天子保保
安天子漢承秦制不置三公丞相總之太宰大司
徒大宗伯大司馬大司寇爲六卿太尉秦

官也等於三公掌兵左右僕射亦秦官也等於六卿古者重武官有主射以督課之又晉書云古者重武事貴射御取其捷御如僕故謂僕射射音夜尚書爲之則名尚書僕射尚書令極尊洪容齋曰中書尚書令在西漢時爲少府官屬東漢尚屬少府而秩稍增至千石然銅印墨綬雖居機要而去公卿甚遠魏晉以來浸以華重唐初遂爲三省長官居宰相之任升至正二品入國朝益尊敘在太師之上六典曰尚書令主贊奏總典紀綱掌總百

官儀刑端揆六尚書皆爲之屬又曰尚書令無所
不統其三公列卿將大夫等官遇尚書令皆迴車
預避然則尚書令之尊與丞相等宋中書省政府
也卽是宰相矣自隋起至宋皆然宋平章卽中書
省侍中周官也秩與尚書中書令等而近侍密勿
過之冠金貂蟬金取堅剛蟬取高潔貂取內勁外
溫也中書令秩與侍中等爲詔令典文書以處文
學才藻之臣黃門侍郎中書舍人起居郎起居舍
人掌表章詔旨制勅璽書冊命起居郎爲天子隨

時記事以授國史又謂之起居注起居舍人亦然
樞密之名起於唐代宗寵任宦者以宦者掌樞密
管機密文書漸侵宰相權後處士人至宋專掌本
兵與中書省對持文武之柄位與宰相等散騎常
侍唐貞觀初置亞於侍中及黃門侍郎御史大夫
主彈劾百僚爲侍御史之長率侍御史其屬也御
史中丞爲之貳六卿之下又有九卿漢制一曰太
常二曰光祿勳三曰衛尉卿四曰太僕卿五曰廷
尉六曰鴻臚七曰宗政卿八曰司農卿九曰少府

是爲九卿太常掌郊廟禮樂光祿掌醪醴膳羞大
官令屬焉衛尉掌武庫武器宗正掌親屬昭穆太
僕掌廐牧車馬大理卿掌折獄詳刑鴻臚掌賓客
儀禮典屬國屬焉司農卿掌倉儲委積太府卿掌
貢賦市藏權衡平准秘書監秘書郎著作郎等官
掌經籍圖書太史令掌誣國史大長秋掌皇后宮
中之事或用中人或用士人翰林院文學之官修
國史撰文章備顧問出入侍從因得參密勿謀議
學士其長也職清地禁與聞國政古目爲天子私

人又號爲內相至分中書宰相之權國子祭酒祭酒者古主人具饌則賓中長者一人舉酒祭地掌邦國儒學訓導以作多士齒長官尊故曰祭酒少府監掌工匠造作之事及山澤陂池之稅別爲一藏故曰少府金吾衛將軍掌中宮及京城巡警以備禦非常漢武帝更名執金吾大將軍漢時位在公卿上校尉武官亞於將軍儀同三司同于三公將軍開府儀同三司謂將軍開府其儀與三公同也漢雜事曰諸侯功德優盛朝廷所敬異者賜位

特進在三公上無秩上柱國與特進相亞詹事等
官專爲輔翼太子而設司隸校尉掌夷狄盜賊糾
察畿輔唐不設司隸而有京畿採訪使亦其職也
都督位次大將軍武臣極品總管與都督相亞都
護與總管相等京兆尹內史俱治畿輔官漢京兆
扶風馮翊爲三輔唐巡察按察巡撫採訪存撫安
撫等使皆以御史大夫中丞及大卿充之舉劾牧
宰以下卽今之巡撫皆可稱刺史刺史以六條察
刺郡縣之官謂之刺史州縣制爲諸道每道置使

治于所部其邊方有寇戎之地則加以旌節謂之
節度使卽是刺史事權重於刺史至唐宋則以太
守兼刺史之權木芍藥今之牡丹今之芍藥古草
芍藥也一物而分爲二名荷芙蓉也又名芙蓉秋
月開花芙蓉木芙蓉也夜舒荷其葉日卷夜舒故
名蓮心曰蓮房又茄亦荷也麝香黃花心豐腴旁
短瓣密葉承之山躑躅謝豹亦名杜鵑羊躑躅色
黃羊食之則躑躅而死又紅杜鵑亦名紅躑躅梔
子花一名薝蔔薝音臙一名林蘭苕薙花出南海

其苗如蘆其葉如薑花作穗嫩葉卷之而生葉漸
舒花漸出其色微紅而香丁香花香而小夜合花
其葉晨舒暮合樹高大花有香氣茉莉作末利亦
作沒利亦作末麗佛書末麗曰鬘華可以飾鬘又
宋艮嶽八芳金蛾玉蟬虎耳鳳尾素馨渠那末利
含笑也又古詩漢宮有女名素馨死而墓花香若
薰合歡樹似梧桐樹之階庭使人不分又各青棠
石楠花大樹花紅而小櫻桃一名含桃禮記月令
曰仲夏之月天子羞以含桃先薦寢廟以其爲鳥

所含故曰含桃一名朱櫻一名石蜜桃杷花或云
卽款冬花芰卽菱也蜀葵一名戎葵花黃赤心今
俗名一丈紅亦名葵花似木槿木槿薜也詩云有
女同車顏如薜薜海紅花名新羅國有之萐莆一
名昌歆歆音觸堯時天降精於庭爲薜感百陰爲
萐莆萐莆又名堯薜雕胡可爲飯卽菰米芰也米
可作飯黃精類鉤吻鉤吻有毒杜詩黃精無苗山
雪盛又有黃獨仙家以黑飯爲青精飯芋一名芋
魁一名蹲鴟詩云山有喬松隰有遊龍龍紅草也

秦始皇封泰山松爲五大夫五大夫秦官名非五
株松也佛家曼陀羅花雜色花也優鉢羅花黃白
色花也苾芻西天香草也能具五德淮南子曰槐
生五日曰兔目十日曰鼠耳服槐實可得仙爾雅
曰檉河柳也今俗名西河柳檉音稱爾雅曰栲山
櫟也其皮似漆青黑色樺其皮可作燈樺音畫檉
松似松而葉細軟榦挺直謝玄暉詩云風動萬年
枝萬年木名卽今之冬青又名女貞木櫻櫚一名
栴櫚又名蒲葵可以爲扇皂莢一名鷄栖子擣之

可以去垢辛夷木筆也桄榔樹出南海有屑爲麵
瓊州出鳥文吐陁二木皆奇木也沙棠木出崑崙
山黃色赤寔味如李食之使人不溺故取以爲舟
茜草亦作蒨草可染絳色梁書曰南方頓遜國有
酒樹似安石榴取花汁停杯中數日成美酒又有
肉樹端溪豬肉子大如杯炙而食之味如豬肉而
美左傳東方之美者有會稽之竹箭焉又有桃枝
竹可爲杖竹一名篠簜一名簣簪一名簞簣竹皮
謂之籜筍謂之龍孫又謂之籜龍莊子曰三皇五

帝之禮義法度譬猶榘梨橘柚其味相反而皆適
於口榘亦作楂似梨而小哀家梨秣陵哀仲家梨
甚大而美桓南郡戲人不解事者曰君得哀家梨
復蒸食否漢武帝內傳曰太上之藥有玄光梨又
崑崙山有火棗交梨碧奈紅梨雪藕冰梨又張公
梨大谷梨甚美椰花可以釀酒益智葉如蓂荷莖
如竹箭子從心中出一枝有十子肉白滑四破去
之取其外皮蜜煮之如柰子味甘或云卽今之甘
露子也盧循遺劉裕益智粽裕乃答以續命湯揚

州人呼楊梅爲聖僧按王敬美近日作閩部疏荔
子名輕紅龍眼號荔子奴有美人蕉其紅如血又
有夫人李色正紅榕木無用材不中器爨不生焰
扶疎茂蒨葉如幄蓋第植一種陰滿中庭茲其可
貴也有草狀如黃精入口口裂著肉肉潰名曰鉤
吻斷腸草一枝三葉葉大如萋食之輒死解此毒
者首以蜜灌之已復灌以羊血吐出可不死鄭玄
讀書庭前生草如帶葉形似韭名書帶草項羽虞
姬死墓前生草名虞美人韓憑夫婦墓前生相思

樹季札墓前生挂劒草形如劒邵平者故秦東陵
侯秦破爲布衣貧種瓜長安城東瓜常五色味甚
美世號東陵瓜漢武帝內傳曰西王母謂上元夫
人曰憶造朱炎山陵食靈瓜其味甚好顧此未久
已七千歲矣又曰仙上之藥有空同靈瓜四劫一
寔漢明帝時燉煌獻瓜長三尺而形屈曲云是此
瓜郭子橫洞冥記曰有龍肝瓜長一尺花紅葉素
生于冰谷瓜房曰瓜瓢今俗稱蘿蔔蘆菔也真誥
云蘆菔常服之佳生食耗血真誥所言必熟食也

蕨首薄苦菜一名茶一名苦蕒蘘荷崔豹古今注
曰似蕨而白葉似薑宜種陰翳地又有虎耳草龍
鬚草可爲席出括州縉雲山是茨茨菰也生下田
苗似龍鬚而細根如指頭黑色可食芋之別種也
漢書王莽時百姓采鳧茨而食苦苣車前草也牛
膝卽薔薇波羅蜜樹出僊耳類冬青而黑潤倍之
榦至斗大方結實甘如蜜狀似冬瓜外結厚皮若
栗蓬多棘刺去外殼內肉層疊如橘囊又有佛桑
花樹類木槿花類芍藥今閩中亦有之又有花梨

木鷄翅木土蘇木皆產黎山中爾雅曰卷施草拔
心不死卽菴施也薹莎草也可爲簔笠故曰薹笠
射干音夜干莖長四寸味苦辛生川谷江薤香草
似水薺蘼蕪芎藭也性能療頭痛寒痺腹痛揭車
一名芑輿香草也芑巨芑切葯白芷也又有些紫葯
鬱金香草似麥門冬九花狀似芙蓉其色紫碧香
聞數十步鷄舌香木生南海中其花蔓生龍腦香
木出婆律國形似松脂作杉木氣續漢書曰大秦
國合諸香煎其汁謂之蘇合栴檀栴檀也有些紫白黃

三色尸子曰崑崙之墟玉紅之草生焉食一寔而
醉卧三百歲而始寤嵩高山記曰嵩嶽有四樹與
衆木異一年三花花白色其香如桂嵩高少室之
山有木名帝休葉如楊枝花黃實黑服者不怒又
太室之山有木葉狀如梨服者不妬有草如禾服
者不昧本草曰常山有草置之門上每夜叱人西
京雜記曰熊耳山有丹青樹葉似江籬而紅綠望
之如繡服之得仙盛弘之荊州記曰都梁香草都
梁縣有小山山水清淺其中生蘭草俗謂蘭爲都

梁在淮安沉香出南海此香木之置水而沉者爲
沉香梁元帝金樓子曰扶南國衆香共是一木根
便是旃檀節便是沉水花是鷄舌葉是藿香膠是
薰陸本草云降真香出黔南伴和諸雜香燒煙直
上上可以召鶴盤旋而至鬱金香香草也若蘭生
大秦國花如紅藍四五月采之卽香又回鶻有篤
耨香禹餘糧草藥名有甲甲中有白白中有黃如
鷄子本草經曰太乙禹餘糧一名石腦味甘平生
泰山上治効逆上氣癥瘕血閉漏下除邪久服之

能忍寒暑不飢輕身飛行硃砂硃音捷出回國
可潰毒瘡參同契以硃塗瘡曾青石青銅之精出
蜀郡曾青山空青卽從曾青石中所出之水也水
碧水玉也決明有石決明形類蝦蟇草決明葉如
槐黃花可以治眼胡麻巨勝也何首烏靈藥也久
服能變白髮和州全椒諸山中有之大者如椀小
者如拳人欲采之則曰尋何先生掘之則得稱何
首烏則不得王不留行草藥名味苦平生山谷治
金瘡久服能輕身不死八月中採本草經曰鬼督

郵一名赤箭一名離母味辛溫生川谷治鬼物百
精一名徐長卿蕭子雲賦長卿晚翠簡子秋紅按
齊民要術藟子藤生緣樹木寔如梨赤如鷄冠核
如魚鱗生食之淡苦而甘獬豸一名神羊一名魃
魃豸一作廌性好觸邪犀一名通天一名分水一
名駭鷄分水刻爲魚形而銜以入水水常爲開三
尺可得氣息水中駭鷄者鷄見之則驚却也又契
丹有骨咄犀最貴重虎名山君螭物其形似獸性
好望故立屋角上徒勞其形似龍而小性好吼呌

有神力故懸於鐘上憲章其形似獸有威性好囚
故立于獄門上蟋蟀形似獸鬼頭性好腥故用于
刀柄上蠶蛭其形似龍性好風雨故用于殿脊上
螭虎其形似龍性好文采故立于碑文上狻猊其
形似獅性好火煙故立于香爐蓋上椒圖其形似
螺螄性好閉口故立于門上蚺蛟其形似龍而小
性好險故立於護朽上馬有駒駼肅爽一名驪驪
飛兔騶褭追風逐電躡影晨鳧雀豹浮雲赤電絕
群逸標紫鸞白鵠赤兔大宛龍媒渥洼天馬蒲梢

汗血驊騮騏驎騄駼烏騄齧膝赭白的顙波驪照
夜白白臯駟玉花驄九花虬忽雷駮獅子花叱撥
皆古良馬名棗騮赤馬也又王子年拾遺記曰周
穆王御八龍之駿名曰絕地翻羽奔霄超影踰輝
超光騰霧挾翼按穆天子傳八駿名赤驥盜驪白
義踰輪山子渠黃華驪綠耳與拾遺記不同說文
曰騮驢父馬母也陸機家有犬名黃耳楊萬年家
有犬名青駿犬之駿者名韓盧宋鵲又旅獒盤瓠
皆犬名爾雅曰獒白豹也又似熊黃色狸狸似獾

能言嗜酒萬萬一作狒狒音沸沸萬萬人面見人
則笑笑則上唇掩目萬萬一名梟羊螻蛸距虛也
許旌陽家拔宅飛昇鷄犬俱上惟鼠不將去鼠自
悔腸穢一月三出其腸故有易腸鼠或云是唐公
房飛昇事破鏡食父獸如獾而虎眼卽獾也狄音
又似猿善緣木蝓力水反似猴詳見衮衣文獾音
刳大猴也飛鼠其狀如兔而鼠首以其髯飛俗名
蝙蝠鼯鼯小鼠也狸奴貓也又名狸牲黃腰鼯身
狐首鷄鷄山鷄似鳳凰飛竟天狼狽小獸色黃身

臭食鼠今名黃鼠狼鶴名胎禽鶴千年胎生鷓鴣
鵠屬筋可爲弦雉一名翟一名翬一名澤雉一名
華蟲雉鳴曰鵠鵠音垢爾雅曰鴛鴦野鴛也鴛斯
鴨鵠皆鳥也小而多聲腹下白鴨家鳧也鳧野鳧
也鵠一名乾鵠崔豹古今注曰鵠一名神女淮南
子曰乾鵠知來而不知往又曰鵠知風之所起說
文曰鵠知太歲之所在鳩一名鵠鵠卽今之鵠鵠
也鵠性拙不能爲巢故畏雨將雨則鳴左傳鵠鵠
也詩經雅鳩王鳩也亦名王雅鵠鵠也今之杜

鵲杜甫杜鵑詩云生子百鳥巢百鳥不敢噴仍爲
餒其子禮若奉至尊此鳥性自然乃知有君臣所
以謂之王睢至秋化爲鷹鵠云驚而有別又作鸛
鵠鵠音貴離騷恐鸛鵠之先鳴今使夫百鳥爲之
不芳驚一名玄鳥一名天女燕飢也其鳴聲乙乙
王者動作應天則赤雀銜書來吳王鑿石得大禹
石函文詭言赤雀銜來以告仲尼鸛鵠今俗名八
哥鎮西將軍謝尚字仁祖善鸛鵠舞周禮曰鸛鵠
不踰濟左傳書曰鸛鵠來巢書所無也倉庚卽黃

鷗又名黃鶯又名黃栗留俗名金衣公子食倉庚肉已妬鶯戴勝也頭上羽毛如花勝故名韓憑鳥名出憑墓上是韓憑夫婦精魂所化桑扈鳥名卽竊脂性不食穀蘇子由曰騶虞不殺竊脂不穀山海經曰嵒有鳥焉如鶚赤身白首其名竊脂又云其狀如雉反舌能反覆其舌隨百鳥之聲禮記曰仲夏之月反舌無聲周書曰芒種之日又五日反舌無聲反舌有聲讒人在君側廣雅曰伯勞鵯也又名伯趙孟子曰南蠻鵯舌卽伯勞也又名傅勞

鄭玄注曰伯勞鳴將寒之候收伯勞血以塗金人
不敢取鷦鷯小黃雀也莊子曰青鷁愛子忘親鷁
鷁似大黃雀喙刺如錐善搏鳥而食俗名鷁翡翠
鷁也今俗名翠鳥交廣多有好在水邊喙小魚山
鷁紅嘴毛羽甚美每自愛其毛窺水而照或至沉
溺山鷁身白尾長幾一尺鷁鷁其形似雌鷁鳴則
自呼云鉤輶格磔磔音側其性懷南不思北土月
令曰季春之月田鼠化爲鴽鴽卽鷁鷁也鷁俗作
鷁鷁鷁鷁鷁鷁屬玉鳥鷁鷁鷁俱水鳥也屬玉

一作鷗鵒似鳬長頸赤目紫紺色漢有屬玉觀禳
火災也鵒鵒一名雛渠鷗鵒野鳬屬小而好沒水
中其血可以塗劒古有鷗鵒劒鷗鵒海鳥也鷗鵒
一名陶河好群飛入水食魚鷗鵒喙角曲如鉤食
魚鷗亦水鳥禿鷗也一名扶老狀如鶴長頸赤目
或曰卽鷗鵒精衛炎帝之女溺死東海化爲精衛
每銜西山木石以填東海怨溺死故也鷗卽鷗也
黃頭赤目其羽可用爲箭卽鷗屬西域諸國記曰
耆嶺山在王舍城北四里山有兩岸鷗鳥常群居

其巔上人號爲靈山故今稱鷲嶺兼兼比翼鳥也
俗作鷲青丘有鳥其狀如鳩名曰濯濯可對兼兼
青鳥鷲屬也爲西王母銜書致漢武帝梟不孝鳥
也生子食其母史記古者天子常春祠黃帝用梟
用破鏡又五月五日作梟羹以賜百官以其惡鳥
故飲食而盡其類也鬼車俗名九頭鳥又名姑獲
又名鵩鷃又名鷃古賦奇鷃九頭又名天帝少女
夜陰晦則飛鳴而過無子喜取人子女養之有九
首曾爲犬齧下一首常滴血血滴之家卽有凶咎

南海有鳥名秦吉了如鸚鵡又有鳥名倒挂蜀有
小鳥名桐花小鳳驪山多飛鳥名阿濫堆明皇采
其聲爲曲子滇中有鳥名信天翁食魚而不能捕
俟魚鷹所得偶墜者拾食之楊貴妃養白鸚鵡號
雪衣娘爲禳惡夢貴妃教以誦多心經多爲驚鳥
所殺齊武帝夢金翅鳥下殿庭搏食小龍無數乃
飛上天明帝初宗室多遇害龍善睡五龍授睡法
于陳希夷陸機餉魚鮓于張華華曰此龍肉也以
酒漬之五色隱起龜號清江使者見夢于宋元王

鼃鼃音鉤鼃音壁大鼃屬也鼃屬大龜也鼃音
弊屬音戲多力山海經曰巴蛇吞象三年而出其
骨高如陵故楚有巴陵山海經華山有蛇名肥蠃
六足四翼見則天下大旱交州有大蛇名蜺蛇吞
鹿其膽可爲藥曹操曰騰蛇乘霧終爲土灰有角
蛇也蜀雅州丙穴出嘉魚抱朴子曰南陽丹水有
丹魚取其血塗足可以步行水上列仙傳陵陽子
明釣於溪得白龍子明解釣謝之後數十年得白
魚腹中有書教子明服食之法三年白龍來迎之

去又水仙琴高常騎鯪鯢行遊魴魚古名河魴最美或云卽今之鰻魚也名槎頭縮項鰻交黎間有海魚長數丈名沓車魚魷魷石首魷魚魴魚三腸以鹽薑酢製食名爲魷魷宋明帝好之魷魚魷音齊去聲形薄如刀近有刀魷比目魚南人謂之鞋屨魚又謂之箬魚金陵有膾殘魚乃寶誌公食殘而棄者又有王餘魚吳王食魚以半面棄之江中而成魷魚有文采食之使人不驕王子年拾遺記曰仙人甯封食飛魚而死二百年更生故甯先生

遊沙海七言頌云青藻灼爍千載舒百齡暫死得
飛魚印魚頭上有印文大魚應死者印魚先印封
之琵琶魚鱗形如琵琶鏡魚形薄如鏡新頰魚長
一丈美人魚形如美人種魚經曰魚勞則尾赤肥
而大西施舌大蜆產閩貝江海生甲肉有頭尾說
文曰貝海介虫也紫貝質白如玉紫點爲文爛如
錦故詩云萋兮菲兮成是貝錦蜃大蛤也大者爲
蜃小者爲珧蚌也蚌亦作蚌車螯亦大蛤屬也楊
子江中多而美蚶一名屋瓦子又名瓦楞子一名

魁蛙又有蛤屬名越王有赤尾蜺亦蛤屬又有石
蛙亦蛤屬文選石蛙應節而揚葩江珧柱肉柱膚
寸美如珧玉卽蛭之大者明州奉化江中產蠓牡
蠣也抱朴子曰蠣號無腸公子又名郭索蠣性敗
漆抱朴子曰蠣之敗漆也麻之壞酒也此不可以
理推者也蠣殼名蠣筐蠣臍有芒毒秋月輪芒乃
不毒蔡謨見螳蜺大喜曰蠣有八足加以二螯迺
烹食之旣食委頓方知非蠣後言之謝仁祖謝曰
卿讀爾雅不熟幾爲勸學死劉孝標云大戴禮勸

學篇曰蟹八足二螯謨爲此言誤彭蠡彭蠡也吳
呼爲越蓋語訛也沙狗彭蠡之類也軟而甘美今
松江有之名沙裏狗石華肉附石生謝靈運詩挂
席拾海月揚颿采石華海月大如鏡白色正圓似
水母玳瑁形如龜腹背甲有斑點大者如盤蓋張
茂先博物志曰東海有物狀如凝血廣數尺正方
圓名曰水母俗名海蜇一名蝦蛇蛇音乍無頭目
所處則衆蝦附之蓋以蝦爲目也色正淡紫越絕
書云水母以蝦爲目海鏡以蟹爲腹海鏡廣中有

之殼圓中甚瑩滑照如雲母殼內有小肉如蚌蛤
腹中有小蜾海鏡飢則蜾出拾食蜾飽歸腹海鏡
亦飽迫之以火蜾卽走出此物立斃醯鷄蠃蠓也
蝴蝶一名蛺蝶赤斑者名鳳車崔豹古今注曰河
內人見人馬數千萬皆如黍米遊動往來以火燒
之人皆是蚊蚋馬皆是大蟻故蟻名玄駒蚊蚋名
黍民又曰齊皇后忿而死尸變爲蟬登樹嚙而
鳴王悔恨故世名蟬曰齊女輟耕錄五臺山有鳥
名寒號虫四足有肉不能飛當盛暑時文彩絢爛

乃自鳴曰鳳凰不如我比至冬毛羽脫落遂自鳴
曰得過且過螢名丹鳥蚊名白鳥螢一名輝夜一
名熠燿一名夜光一名宵燭毛詩曰螟蛉有子蜾
蠃負之螟蛉桑虫也蜾蠃蒲盧也蒲盧取桑虫之
子負持而去養以成子故世之養子爲螟蛉也蜾
蠃負螟蛉之子祝曰類我類我少刻則肖蜾蠃矣
謂之速肖蜾蠃卽蠛蠓也一名土蜂似蜂而腰小
故又名細腰蜂毛詩豳風七月曰六月莎鷄振羽
莎音蓑莎鷄似蠶蛾而五色赤頭黑身促織之類

冬蝓斯蜈蚣也似蝗而小幽州謂之春箕角長青色
斑黑其股似玳瑁文五月中以兩股相嗟作聲聞
數十步蚱蜢似蝗多在禾稻間守宮一名蜥蜴大
者能吐雨雹一名蠓蠖一名玄蠖一名緣蠖總名
蠃蜒以器養蠃蜒食以硃砂體盡赤搗其血以點
女人肢體終身不滅有姦事則滅故古取以守宮
崔豹古今注曰蜚蠊能以土包糞轉而成丸一
名弄丸一名轉丸書中虫名白魚在衣中者名衣
魚黃雅曰螂蛆蜈蚣也莊子曰螂蛆甘帶帶蛇也

淮南子曰月照天下蝕於蟾蜍騰蛇遊霧殆於蛆
蛆崔豹古今注曰蚯蚓長吟於地中江東人謂之
歌女或謂之鳴砌俗名曲蟻蟻大者名蚘蟬蟻亦
作螳其子曰蚘有能飛者曰飛螳螳蜺蝓牛也其
左右角有蠶觸二氏出莊子蠅虎食蠅虫也蠶蠹
也蠨蛸蜘蛛也俗呼螳子縊女蜺也長寸許頭赤
身黑恒吐絲自懸喜自縊死故名馬蚘百足虫也
今俗名百腳莊子曰夔憐蚘蚘憐夔夔一足蚘多
足也蟻蟻糞中水中皆有之博物志曰蟻蟻以背

行馱便於足也蝦蟇一名蛙亦作黽一名蟆蝈禮
記月令曰孟夏蟆蝈鳴其子爲蚪蚪亦作科斗蟆
蝈一云卽蟆蛄鼯鼠卽蟆蛄也古語鼯鼠五技而
窮蜻蛚蟋蟀也一名促織一名懶婦一名吟蛩又
名王孫似蝗而小正黑有光澤如漆又一種名絡
緯其聲如紡織蚋螋蟪蛄也蜻蛉一名蜻蜓一名
青亭一名赤衣使者莊子曰童子埋蜻蛉頭而爲
珠張華博物志五月五日取蜻蜓頭埋之土中成
青珠青蛱如蠶得其子則母飛來以其子母血塗

錢去一則飛來故曰子母錢楚辭曰赤蟻如象玄
蜂如壺故蜂名壺蜂蜮短狐也一名含沙一名射
工一名射影甲虫如龜二足人在水岸能含沙水
以射人中則殺人入人肌其病如疥其形虫也其
氣乃鬼也說文曰蚤跳虫也鳥有名批頰鳥可對
叩頭虫叩頭虫見人則叩頭又可對易腸鼠昔人
有病腹者腹有虫名應聲虫人呼亦呼人語亦語
蛔蜣腹中虫也木有君遷平仲草有王孫徐長卿
虞美人又有西王母棗君遷今之牛奶柿也鳥有

韓憑精衛杜宇海虫有越王蟹有螾蟻皆從人名
又按東方朔十洲記秦始皇大苑中人多枉死者
橫道有鳥如鳥狀銜祖洲不死之草覆死人面卽
活始皇遣使者齎草以問北郭鬼谷先生云此草
是東海祖洲上不死之草生瓊田中或名爲養神
芝其葉似菰苗叢生一株可活一人又炎洲有風
生獸似豹青色大如狸積薪數車以燒之薪盡而
獸不死毛亦不焦斫刺不入打之如灰囊以鐵鎚
鍛其頭數十下乃死而張口向風須臾復活以其

石上草蓴寒其鼻卽炙取其腦和菊花服之三十
觔得壽五百年又有火林山山中有火光獸大如
鼠毛長三四寸或赤或白山可三百里許晦夜卽
見此山林乃是此獸光照狀如火光取其獸毛緝
以爲布衣服垢穢以火燒之振擺其垢自落名爲
火浣布火鼠可對北方雪中生冰蠶鳳麟洲煮鳳
喙及麟角合煎作膏名爲續絃膠又有吉光神馬
毛可爲裘聚窟洲有獅子辟邪鑿齒天鹿長牙銅
頭鐵額之獸月支國獻猛獸一頭形如五六十目

犬子大似狸而色黃武帝小之使者對曰夫獸不
在巨細乃指獸命叫一聲獸舐唇良久忽叫如天
大雷霹靂兩目如礮礮之交光帝登時顛蹶掩耳
震動不能自止虎賁武士皆失仗伏地百獸驚絕
虎亦屈服如死虎王子年拾遺記舜葬蒼梧之野
有鳥如雀吐五色之氣氤氲如雲名曰憑宵羣飛
銜土成丘墳又銜青砂珠積成壘阜名曰珠丘人
得而服之不死帶者身輕漢章永寧元年條支國
來獻異瑞有鳥名鳩鵲形高七尺解人語若有喜

樂事則鼓翼翔鳴魏建安三年胥徒國獻沉明石
鷄色如丹大如鷲常在地中應時而鳴聲能遠徹
其國聞鳴乃殺生以祀之當鳴處掘地則得此鷄
明帝二年昆明國貢嗽金鳥使者云其地去燃洲
九千里出此鳥形如雀而色黃羽毛柔密常翔翔
海上羅者得之常吐金屑如粟鑄之可以爲器晉
大康中因墀國獻五足獸狀如獅子玉錢千緡其
形如環重十兩上有天壽永吉之字崑崙山丹密
西有螭潭多龍螭皆白色千歲一蛻其五臟潭左

有五色石皆云是白螭腸化成瀛洲有鳥如鳳身
紺翼丹名曰藏珠每鳴翔而吐珠累斛仙人常以
其珠飾仙裳蓋輕而耀于日月也黃帝時有螻蛄
大如羊者有大如牛者有虫名螾大如虹者有獸
名蜚如獅子食虎而循又白澤黃帝時獸跂蹄后
土之獸俱神靈能言角端亦作角觴似豬角在鼻
上堪作弓又云似麒麟黃色角端有肉又如犀牛
高數十丈元世祖北征至西印度此獸見耶律楚
材曰此名角端旄星之精也日行萬八千里曉四

夷之語楞嚴經有伽陵仙禽又仙家有青猊青羊
青牛蒼虎虛倉麋蒼虬班麟斑龍赤豹赤螭紫麋又
蠹虫在書中食神仙字體有五色或如結亂髮名
曰脉望得而食之成神仙又王子年拾遺記窮桑
之濱有桑樹直上千尋葉紅椹紫萬歲一實食之
後天而老閭河紫桂其實如棗群仙餌焉西王母
有洞淵紅蘼嶸州甜雪崑流素蓮陰岐黑棗萬歲
冰桃千常碧藕青花白橘木難一名莫難黃色珠
出東夷或曰卽大秦國珠火齊齊去聲赤珠也韎

鞞國名肅慎地也產寶石大如巨粟名鞞鞞陽燄
以銅爲之形如鏡向日則火生以艾承之則得火
也方諸見月則津而爲水熟摩拭令熱以向月則
水生也大蛤也雲母石也服之得仙秦始皇起雲
明臺窮四方珍木南得煙丘碧樹酈水燃沙賁都
朱泥雲岡素竹東得葱巒錦栢漂樾龍松寒河星
柘岫雲文梓西得漏海浮金狼淵羽懇滌嶂霞桑
沉塘員籌北得冥阜乾漆陰坂文梓褰流黑魄閭
海香瓊十洲記聚窟洲有大樹似楓而花葉香聞

數百里名返魂樹亦名返魂香武帝燒此香於城
內人死未三月者皆活芳氣經三月不歇山中有
黃獨黃精又有青精卽今俗呼黑飯樹也酉陽雜
俎廣動植篇食而不飲者蠶飲而不食者蟬不飲
不食者蜉蝣屬卻行蛇屬紆行蜻蛚屬注鳴蜩
屬旁鳴發皇翼鳴蚣蝑股鳴榮原胸鳴鳳雄鳴節
節雌鳴足足行鳴曰歸嬉止鳴曰提袂麒麟牡鳴
曰逝聖牝鳴曰歸和春鳴曰扶助夏鳴曰養綏又
按軒轅黃帝記有大鳥銜首其雄曰鳳其雌曰凰

朝鳴曰登晨晝鳴曰上祥夕鳴曰歸昌昏鳴曰固
常夜鳴曰保長有瑞獸在囿牝曰麒麟牡曰麟春鳴
曰歸和夏鳴曰扶幼秋冬鳴曰養信與雜俎不同
鼈無耳爲守神虎五指爲貍蝦蟆無腸龜腸屬於
頭蛇蟠向壬鵲巢背太歲鸞伏戊巳愚又聞黑鯉
魚朝北斗小麥忌戊大麥忌子木再花夏有雹李
再花秋大霜邑中終歲無鳥有冠鷄無故自飛去
家有蠱鷄日中不下樹妻妾姦謀屋柱木無故生
芝者白爲喪赤爲血黑爲賊黃爲喜孔雀因雷聲

而孕人臨行鳥鳴而前引多喜廁上聽杜鵑聲不
祥厭之法當爲大聲應之取鸚鵡目睛和人乳研
滴眼中能見煙霄外物也鳩鵲辟火災齊郡寒山
有鳥足青嘴赤黃素翼絳項名王母使者世傳山
上有王母藥常令此鳥守之魚復縣南山有鳥大
如鸚鵡羽色多黑雜以黃白有時吐物長數寸丹
采彪炳形色類綬名吐綬鳥兜兜鳥形似鸚鵡其
聲自號正月以後作聲至五月節不知所在九頭
鳥白澤圖謂之蒼鷖帝鵠書謂之逆鷁爾雅謂之

鷓鴣崙崙鳥出河西赤塢鎮狀似鳥而大飛於
陣上多不利昆明國貢嗽金鳥吐金屑名辟寒金
漢宮人以鳥吐金爲釵珥象胸前小橫骨灰之酒
服令人能浮水出沒虎鬚治齒大食國解人語犀
墮角自埋之取者以假角易之狼蜚煙直上烽火
用之蜀西南高山上有物如猴長七尺名猓獬好
竊人妻多時形皆類之狒狒飲其血可以見鬼龍
頭上有一物如博山形各尺木龍無尺木不能昇
天取烏賊墨書契跡如淡墨逾年字消唯空紙耳

鯢魚如鮎四足長尾能上樹聲如小兒鰾腹中有
芒不可食蟬未蛻時各復育朽木所化百金花
之泥其隲經宿化爲大蝴蝶以盆覆寒食飯於暗
室地上入夏悉化爲蜘蛛朽瓜子化爲白魚藍蛇
首大毒尾能解毒松命根遇石則偃蓋不必千年
也樟木江東人多取爲船船有與蛟龍鬪者菴羅
果花多子少葉似柳果形似梨西方名爲王樹王
城中種也娑羅樹不庇凡草不止惡禽隨伐隨長
一木四味祁連山仙樹其實如棗以竹刀剖則甘

以鐵刀剖則苦以木刀剖則酸以蘆刀剖則辛一
木五香根梅檀節沉花鷄舌葉藿膠薰陸茱萸氣
好上椒氣好下凌霄花中露水損人目酒杯藤大
如臂花堅可酌酒實大如指食之銷酒苦提樹釋
迦如來成道時生莖幹黃白枝葉青翠經冬不凋
貝多樹出摩伽陀國長六七丈經冬不凋西域以
此葉書經一名思惟樹安息香樹出波斯國長三
丈皮色黃黑葉有四角經寒不凋二月開花黃色
花心微碧不結實刻其樹皮其膠如飴名安息香

西方名爲求求羅香玉辛謂葱韭薤蒜興渠興渠
卽阿魏臭藥草也夜光芝一株九實實墜地如七
寸鏡夜視如半日茅君種於句曲山白苻芝大雪
而華五德芝如車馬菌芝如樓凡學道三十年不
倦天下金翅鳥銜芝至瓦松一名昔邪梁簡文帝
詩曰綠階覆碧綺依簷映昔邪瓜性畏香尤忌麝
三角曰芰二角曰菱兔絲子多近棘及藿天名精
一曰鹿活草舞草出雅州獨莖三葉如決明人對
之歌曲必動葉如舞也睡蓮生南海夜則花低入

水如睡蔓金苔縈聚之如鷄卵投水中蔓延波上
光汎鑠日如火亦曰夜明苔夢草似蒲漢武帝時
異國所獻晝縮入地夜若抽萌懷其草自知夢之
好惡武帝思李夫人懷之輒夢望舒草出扶支國
草紅色葉如蓮葉月出則舒月沒則卷地曰草南
方有之三足鳥欲下食此草羲和之馭以手掩鳥
目食此則美悶不復動合歡草狀如著一株百莖
晝則衆條扶疎夜乃合爲一莖謂之神草金錢花
梁以此花賭魚弘謂得花勝得錢薨屋棟也相梁

也屋簷滴雨爲雷中雷屋中神名五祀之一也古
者屋中開明雨則雷之故名中雷棖棟頭也楹柱
也碣柱礎也芬橈芬屋棟也橈椽也又謂之桷承
塵屋上板以承塵埃也左城右平平者平地也城
者階級也構櫨柱頭斗也桷梁上短柱也又謂之
杗杗音節綺疏牕也又名綺寮甃砌石也簷牙簷
比如牙也樾門闢也瓴甃皆甃也幸舍恩幸賓客
舍也甲第第宅甲乙次第也丙舍甲乙丙丁次第
也甲帳亦甲乙也黼帳繡帳也大內宮禁內也禁

地宮禁天子所居皆有禁不得入也便殿天子燕
居便安之殿也離宮卽別館也尚衣尚食宮中掌
御衣御食處也尚寶天子寶璽處也掖門左右列
如人兩掖也丹扆御屏風也杲思或以爲連闕曲
闕或以爲闕之屏或合板或築土爲之余以爲非
也乃今宮闕高處覆罩之網以止鳥雀以銅絲爲
之者因從罔也其義取復思蓋言人主所思應接
羣臣天下國家之事至此而復思也流蘇帶流蘇
帳五色同心而下垂者以其纒下垂故曰蘇黃屋

左纛黃屋黃蓋也左纛以髦牛尾爲旗纛列之左也請室請罪之室也永巷宮中以待罪人處也青陽左个个明堂左右軒爲个也馳道天子所由道也大輅天子法駕也警蹕出警入蹕警戒蹕止行人也儀仗天子侍從有威儀隊仗也天子出車駕謂之鹵簿登記儀仗數目簿籍也庭燎火於庭也扈從護從也金根車以金爲根軸也秦制也豹尾車飾豹尾車上也羽葆鼓吹飾羽爲葆加以鼓吹也班劔給虎賁二十人持班劔班劔班賜劔也騎

吹馬上鼓吹也周廬周列廬舍侍從直宿處也徼
道天子出入御道所當遊徼者也徼音叫輦路天
子輦所經由之路也鑾輿天子車有鑾鈴聲以節
行止也鸞口銜鈴故謂之鑾龍車鳳輦以鸞鳳爲
飾也長安御溝謂之楊溝種高楊其上也又有陽
溝陰溝黃鉞金斧也玄鉞鐵斧也白鉞銀斧也麾
旗也所以指麾乘輿以黃公以朱刺史二千石以
纁祭服之遺象也詩云伯也執殳爲王前驅殳
前驅之器也木戟也鑾刀鈴刀也插鈴於刀上也

旛亦旗屬也旛有青龍黃龍白虎朱鳥玄武麒麟
皆其畫飾也華蓋華花也蓋繖之屬也飾金玉五
色如花葩也綬古者佩玉之絲組也印綬佩印也
黃赤紫紺綠青黑等級不同節符節以爲信也貂
蟬貂鼠取其外柔內勁蟬取其清虛識變胡冠服
也卽惠文武冠也陞盾卽執戈盾侍直殿前階陞
之側者執金吾金吾鳥也執此鳥形之器爲天子
前驅主辟除不祥也金吾緹騎錦騎也期門人主
微行與人期於門下也狄飛楚斬蛟者取其有勇

力也羽林孤兒羽林言其多也孤兒陣亡將士子
孫也洵人洵潔也爲人主潔除之人古今注舜作
五明扇取其開明視聽求賢人以自輔也雉尾扇
飾雉尾爲之取其文明也障扇也驚扇驚亦雉也
驚筆列反齊紈扇漢班婕妤所咏也白團扇晉王
珉所咏也近代有蒲葵扇蒲葵櫻欄也竹筴竹扇
也筴脯堯厨中天生肉扇也扇又名便面巾有綸
巾葛巾華陽巾幅巾郭林宗折角巾陶淵明漉酒
巾帽有毳帽布帽桐帽山簡白接離白布帽也冠

有進賢冠文冠也惠文冠武

也趙惠文王所造

也又有緇布冠通天冠遠遊冠方山冠天子所服也芙蓉冠雕玉冠神仙所服也仄注冠儒生所服也柱後惠文冠獬廌冠法官所服也貂蟬冠近侍貴臣所服也鷄鶡冠佞幸少年所服也玄冠宗廟行禮所服也黃冠鹿皮冠竹皮冠籜冠鶡冠鐵冠隱士道流所服也鶡冠鄭太子所服也又九氣冠金華七曜冠火真神纓冠綠霞冠上真所服也衮衣書曰古人象日月星辰山龍華蟲作會宗彝藻

火粉米黼黻絺繡以五采章施於五色作服汝明
注日月星辰取其照臨山取其鎮龍取其變華蟲
雉取其文六者繪之于上衣故曰作會宗彝虎雉
宗廟祭器取其孝藻水草取其潔火取其明粉米
白米取其養黼若斧形取其斷黻爲兩已相背取
其辨絺鄭氏讀爲繻紕也紕以爲繡也六者繡之
於下裳故曰絺繡所謂十二章也王后之上服曰
褱衣副首飾也故曰夫人副褱立於中副音覆桂
婦人上服也首飾編髮爲之以覆頭也今人謂之

翟髻又紒卽古髻字宋玉神女賦序曰振纈衣被
袿裳袿音圭鞞鞞所以蔽前亦謂之襜婦人蔽膝
亦如之衣無緣謂之襜褕唐人取碾光段爲裙名
研裙輕紗謂之輕繡又謂之輕吹吹去聲婦人近
身之衣謂之袒衣袒音日袼女人脅衣也隋煬帝
詩錦袖淮南舞寶袼楚宮腰仙人之服有羽衣霞
衣綃衣五銖衣六銖衣天衣襦短衣也羅敷詩紫
綺爲上襦繡兩褱婦人衣領帶也秦復陶吉光鰐
鰕雉頭紫綺俱表名芒屨草屨也一名不借絢屨

絲履也絢音渠屣履卽草履也仙人有遠遊履白
樂天有飛雲履屣綦屣飾也稱一鞞者皮履也
一鞞者絲履也鞞鞋以草爲履而無跟也鞞悉合
切鞞今俗作靴趙武靈王服之本胡服也玉環無
端玉玦有闕人主于放逐之臣賜環則還賜玦則
絕也手板笏也繖蓋古人張帛避雨也筆號管城
子毛錐子中山毛穎又名銀不律墨漢有隃糜墨
韋仲將墨李廷珪墨硯有玉硯石硯銀硯貢硯于
闕青戴覲青州絳州石硯銅雀瓦硯近代則端溪

龍尾欵硯硯亦作研紙有水苔紙以苔爲之蜀中
有藤紙江南竹紙楮皮紙黥欵凝霜紙齊高帝造
銀光紙段成式在九江造雲藍紙吳越有温州蠟
紙給紙之家蠲免其役故名爲程紙由拳紙南唐
有澄心堂紙薄光潤爲一時之冠日本國出松皮
紙大秦國出密香紙蜀王衍有霞光牋唐有薛濤
牋又赫蹏薄蹏皆紙也杖謂之扶老仙家有九節
金杖青竹杖綠節杖八景飛杖老人有鳩杖刻鳩
形於杖端鳩不咽之鳥蓋取其不咽也靈壽杖靈

壽木名西南有邛竹杖費長房有葛陂杖化青龍
去塵尾塵獸似鹿以其尾飾柄而持以佐譚也蓋
其尾能生風辟蠅蚋也如意類塵尾或以竹或以
玉或以鐵爲之唾壺以盛唾者簾箱竹爲之牀之
長狎而卑者爲榻榻塌也卑塌近地也胡牀製自
胡中來氍毛席也謂之氍毹又謂之毼毼又謂之
罽線毯唐人謂之地衣毼羅綿出西蕃佛書佛手
軟如毼羅綿笈小箱可負而行者溺器名虎子又
名伏虎又名飲器漢時諺云仕宦不止車生耳謂

重較也吉茂反語以戲蘇則巨仕進不止執虎子
謂不得坐重較車而反執虎子也侍中親省人主
起居故謂執虎子蘇則爲侍中步搖婦人首飾也
以黃金白玉珠花寶葉翡翠之屬相糾綴下垂而
爲髻微步則動搖故名步搖詩云鬢髮如雲不屑
髧也髧音弟假髻也又名義髻今俗稱頭髮耳璫
珥婦人以玉充耳也用玉爲耳璫用珠爲耳珠條
脫一名跳脫以金玉爲之婦人臂釧也約指指環
也今之界指也搔頭漢武帝見李夫人取其玉簪

搔頭故後搔頭用玉也奩盛鏡器也笄係也所以
拘冠使不墜黛從黑研黑青石畫眉也楚辭曰粉
白黛黑花勝婦人戴花朵也言戴之勝美也倭墮
髻高盤斜仄如欲墮卽梁冀妻孫壽墮馬髻之餘
形也五兩舟中候風雨竿也兩去聲鬲釜類亦名
鑊今俗名鍋鐺鬲之有足者音撐盃一名安哉以
木爲之則作椀盞以玉爲之則作琖觥古橫切巨
觴受七升以兕角爲之故從角匚盥器也彝卣俱
酒器也彝鼎屬卣音酉長尊也轉注器吐酒終日

不已謂之滑稽竿爵類也觚榼皆酒器也勺杓也
今之木瓢也瓚玉酒器也叵羅亦酒杯也軍持佛
家以淨瓶爲軍持爐有博山博香爐亦作薰爐薰
籠以香薰衣籠也佛書念珠名木患子崔豹古今
注拾樸木一名無患昔有神巫以此木治鬼爲衆
鬼所畏故曰無患其木以爲念珠又名一百八子
以念珠一百單八也吠琉璃出須彌山青色一切
寶皆不可破亦非火焰所能鎔惟鬼神有道力者
能破之或云是金鵝鳥殼帝青者帝釋寶青色也

托鉢一名應器斤小于斧所以削也鑪錯也所以錯銅鐵也錯音挫折音鎗亦斧類也錘鍬類也鑿大鋤也鋤亦作鉏畚音奔今俗作畚箕旣掃除塵土畚而盛去之也斛卽斗也簣草衣笠草帽襪襪亦草衣桔槔今水車也簞粗者謂之蘧蔭桃笙簞也羅薦以羅爲薦褥也押簾銀蒜鑄銀爲蒜形以押簾也牛衣編亂麻爲之漢王章夫妻相對而泣此物也風箏因風而響古在殿閣簷棧間非今之紙鳶也或曰風箏卽鐵馬琅璫長鎖也又作銀鐺

以王爲之則從王以金爲之則從金也鑄各歲衆
鑄肩輿人肩負輿也篋輿筍輿籃輿皆竹輿也篋

音邊

鴻苞集卷之十九終

音送

金員與入員員與出薪與苗興益興省計興出

以上各員與入員員與出薪與苗興益興省計興出

鴻苞集卷之二十

明東海屠隆緯真著

西吳茅元儀公選訂

吳德輿玄潤校

圍碁坐隱也彈碁兩人對局白黑碁各六先

列碁相當更先彈分勝負也傳玄彈碁賦序曰漢武帝好蹴鞠後劉向以爲蹴鞠勞人體竭人力非至尊所宜乃因其體而作彈碁以代之雙六樗蒲也北方人謂之牧豬奴戲角觝戲使角力相抵觸

也藏鉤一作藏闔古射覆之遺意也本于鉤弋夫
人之拳手箕服草似荻而細織之以盛箭又箭箛
謂之箭房敦牟卮匱之屬也刁斗以銅爲之卽鈔
也軍中晝炊飲食夜持以擊今俗呼銅鈔劍鼻曰
鐔音尋劍鞘謂之劍室干將鑌鄒太阿龍泉昆吾
輓轡青萍屬鏤棠溪墨陽步光飛景歐冶子作純
鉤湛盧豪曹磐郢郢魚腸俱古寶劍名又古今注曰
吳大帝有寶劍六一日白虹二曰紫電三曰辟邪
四曰流星五曰青冥六曰百里王子年拾遺記曰

顏頊高陽氏有畫影劍騰空劍若四方有兵此劍
則飛越指其方未用時在匣中常如龍虎吟又曰
越王句踐以白牛白馬祀昆吾山神以成八劍一
曰掩日二曰斷水三曰轉鬼四曰懸剪五曰驚鯢
六曰滅魄七曰却邪八曰真剛衛孔周有寶劍三
一曰含光二曰承影三曰宵鍊皆稱寶劍傳之士
三世而不能殺人越女授劍術於白猿公以教越
王漢高帝藏斬蛇劍曰靈金藏張華雷煥得二劍
于豐城獄中後于延平津化二龍各長數丈飛去

封父繁弱烏號綠沉鉅黍越棘象珥俱古寶弓名
大黃溪子古弩名左傳魯莊公以金僕姑射南宮
長萬金僕姑矢名又仲尼辨隼上楛矢乃肅慎氏
之矢綠沉有綠沉槍綠沉甲綠沉扇謂色綠沉也
南史梁武帝西園食綠沉瓜綠沉正西瓜皮色也
舟大者名舩舩舩舩小者名舩舩又曰小舩古作
刀詩云誰謂河廣曾不容刀晨鳧蠲首赤馬飛龍
俱舟名又西京雜記太液池中有鳴鶴舟容與舟
采菱舟又有青雀舩青翰舟舟首謂之舩舩旁板

謂之舷樓櫓大舟上起門戶可眺望者艦舟四旁
施板以禦矢者戈舩舩上建戈矛者釋名曰外狹
而長曰蒙衝亦作蒙衝偏大偏也航方舟也橈櫂
俱檣也纜西土人謂之百丈 榜補孟切榜人船
人習水者也黃帝造車故號軒轅氏龍車鳳車牛
車犢車騾車羊車皆從其所駕者而言鹿車小車
僅容一鹿者柴車亦小車也鐘簾簾音鉅以銅爲
之形如衣架鐘懸也宮懸正樂懸之王宮也玉磬
天球以天球爲玉磬也天球玉之最美者管用竹

用玉則曰琯笙笛簫俱用竹亦有玉笙玉笛玉簫
琴用木亦有玉琴羯鼓鼙茲高昌踈勒天竺部之
樂也朱鷺鼓畫朱鷺於鼓也鼙鼓畫靈鼙于鼓也
瑟二十五弦李商隱詩乃云錦瑟無端五十弦何
也庖羲氏作五十弦黃帝使素女鼓瑟哀不自勝
乃破爲二十五弦胡琴胡人之琴也箜篌當作空
侯師延所作靡靡之樂蓋空谷之侯所存也後朝
鮮津卒霍里子高妻麗玉作箜篌辭箏有五絃十
二絃十三絃形如瑟筑十三絃頂細肩圓鼓法以

左手扼之右手以竹擊之塤箎塤燒土爲之者箎
竹爲之笛黃帝使伶倫伐竹于嶰谷而作笛吹之
作鳳鳴出于胡者爲胡笛出于羗者爲羗笛簫一
名洞簫一名參差楚辭吹洞簫而參差箛胡人卷
蘆葉爲箛吹之以作樂琵琶乃胡中馬上所彈推
手前曰琵琶引手却曰琵琶晉阮咸亦作琵琶今人名
曰阮咸唐時有大小忽雷琵琶笙以匏爲之列管
於匏中又施簧於管端大者十九簧小者十三簧
吹笙則簧鼓矣鳳笙者形象鳳身周靈王太子子

晉善吹笙仙人浮丘伯接之上緱山仙去竽亦笙也祝以合樂敵以止樂觥簋筵管也卷蘆爲頭截竹爲管制出胡地觥音必大橫吹小橫吹竝以竹爲之笛之類也大架小架鐘磬之簾也所以懸鐘磬者也簾神獸名以飾架也譜曲以詞曲填入譜也又名填詞按歌按其聲歌也度曲審曲之節度也曲有于闐龜茲蠻部曲也甘州涼州伊州唐人也取邊塞製曲也大垂手小垂手柘枝舞名也魏時人呼白酒爲賢人清酒爲聖人以魏武禁酒諱言

之又有謂酒清者爲青州從事濁者爲平原督郵
又有中山千日酒醉千日而始醒又西涼葡萄酒
以蒲萄汁釀酒桑落酒關中劉白墮所造成於霜
落之候反語謂之索郎又瓊花露薔薇露雲安麴
米春金陵春竹葉春洞庭春郢筒新豐蘭陵宜城
烏程皆古名酒又酒名麴君茗有龍團鳳團小龍
團皆磨茶爲之者茶之新出取旗館雀舌煎茶湯
取蟹眼陸羽有茶經曰古者茶重建州洪州松嶺
栢巖穆州顧渚露芽雲居彭州仙崖石蒼臨江玉

津袁州金片綠英建安青鳳髓岳州黃翎毛宋神
宗時密雲龍哲宗時瑞雲翔龍陽羨蒙山今則重
虎丘天池羅峴次之杭之龍井鄞之朱溪天井又
次之六安爲下食物按卮言記其一二渾羊設最
爲珍食置鶩於羊中內實粳肉五味全熟之熱洛
河唐明皇時射鮮鹿取血煮其腸食之同昌公主
傳有消靈炙紅虬脯郭進蓮花餅餡宋龜樓子膾
仇士良赤明香脯玉真公主逍遙炙素食也韋巨
源食單有單籠金乳酥曼陀樣夾餅巨勝奴貴妃

紅婆羅門輕高麵御黃王母飯金鈴炙七返膏光
明蝦炙通花軟牛腸生進二十四氣餛飩餛飩一
名餛飩生進鴨花湯餅見風消同心生結脯金銀
夾花平截雙梓方破餅梓卽盤字水晶龍鳳膏玉
露團長生粥天花餠饌賜緋含香粽子八方寒食
餅白龍臙鳳皇胎羊皮花絲丁子香淋膾紅羊枝
杖昇平炙八仙盤雪嬰兒小天酥清涼臙碎五生
盤過門香紅羅飮湯浴繡丸纏花雲夢肉卮卮言
所載甚詳余以此皆貪婪淫凶之人得志一時窮

極口腹恣意宰割煎熬損福積業莫此爲大余故
略記一二以垂戒後人不欲多記其品物及詳其
烹調之法也胡餅納胡麻其中也胡麻卽今之芝
麻也蒸者謂之蒸餅湯煮者謂之湯餅糗糒乾食
也寒具環餅也卽今之饊子周禮作飴餠又米麴
食皆可稱寒具臠多肥汁羹也炮火煎也臠細切
魚肉也脯乾肉也鮓亦臠之類也佛言四大謂人
身地水火風假合而成四大者地大水大火大風
大也道家以人頂門爲泥丸又有午宮口爲華池

舌爲赤龍喉爲重樓心爲靈臺又名絳宮臍內一寸三分爲丹田一名土釜又名黃庭丹田後左爲腎右爲命門丹田下爲氣海又名氣穴其下爲三焦膀胱尾間穴從尾間穴後而上爲夾脊雙關足心爲湧泉穴心肝脾肺腎爲五臟胃大腸小腸膀胱三焦膽爲六腑按黃庭經曰泥丸百節皆有神髮神蒼華字太元腦神精根字泥丸眊神明上字英玄鼻神玉壘字靈堅耳神空閒字幽田舌神通命字正倫齒神鐐鋒字羅千心神丹元字守靈肺

神皓華字虛成肝神龍煙字含明腎神玄冥字育
嬰脾神常在字魂停膽神龍曜字威明晝夜存想
諸神名可以長生按太公兵法弓神名爲曲張箭
神名續長弩神名遠望刀神名脫光劍神名飛揚
厠鬼名頊又名郭登井鬼名瓊衣服鬼名甚遠竈
神名隗又姓張名卓字子郭狀如美婦人每月晦
上天白人罪惡山神曰雲陽又曰兪兒祭山名曰
皮懸河神曰河伯又曰馮夷又巨靈河神海神曰
海若又曰海童江神曰江妃又水神名玄溟波神

名翻海江神名出靈洛神曰洛妃湘神曰湘妃又
天吳川后陽侯波臣皆水神名古陽國之侯溺水
死爲水神故名陽侯又天上造化神名黔雷五丁
六甲庚辰俱有力神名東嶽神姓玄丘名目陸南
嶽神姓爛名洋光西嶽神姓浩嶽名元蒼北嶽神
姓伏名通萌中嶽神姓角名普生東海神姓閔名
內靈西海神姓導名洞清北海神姓喻名淵元雷
公江赫冲電母秀文英風伯方道彰雨師陳華夫
俱見道經馮夷水神名靈螭螭音移主夜神名婆

珊婆衍底夜呼之使人不怖畏廁精名依倚木精
名彭侯山水間精名必方玉精名岱委金精名石
塘水精名罔象土精名妖獫故宅精名輝文廢丘
墓之精名元故道徑精名忌故池精名意故井精
名觀絕故臺屋精名兩貴三軍之精名賓滿丘墓
精名狼鬼故市精名毛門室精名侯龍山精名夔
一足故溷精名卑俱見白澤圖又土之怪獫羊水
之怪魍魎又山鬼曰山魈淮水怪曰支無祁方良
草澤之神腦陷其頭野仲遊光惡鬼名兄弟八人

爲害畢方老鬼耕父豐山之神也常遊清冷之淵
出入有光禹強大力神也使巨鼈十五舉首而戴
五山者又雲華夫人命其神狂章虞余黃麾大醫
庚童釋巨靈佐禹治水又張天師傳八部鬼帥劉
元達行雜病張元伯行瘟病趙公明行下痢鍾子
季行腸腫史文業行暴汗寒瘡范巨卿行酸痛姚
公伯行五毒李公仲行狂魅赤眼皆五行不正殃
禍之氣真人皆以道法除之三彭卽三尸上尸名
彭琚使人好滋味嗜慾癡滯中尸名彭質使人貪

實好喜怒下尸名彭矯使人好衣服耽淫女色常以庚申日上天白人罪過利人速死爲鬼以受人祭饗道家所以至日清心寡慾不睡卧是謂守庚申是謂斬三尸女夷花神也陽魂好人生陰魄好人歿上天有司過之神逐日記人行事善惡因人罪之輕重以刑罰大者奪算小者奪紀又庚申日伏尸言人過本命日天曹計人行三尸一日三朝上尸青姑伐人眼中尸白姑伐人五臟下尸血姑伐人胃命亦曰玄靈東嶽太山府君西鄠都地府

竝主人死陰魂善惡賞罰生死輪迴之事六天宮
在酆都非三清之上也又有北陰天王亦主天獄
南嶽魏夫人曰非止落名仙籍又將見考于三官
也三官者天官水官地官皆主考校人間善惡冥
官鬼官地下主者皆非天官人剛方正直有功德
及物而未免瞋恚殺戮多爲冥官若清虛聰慧平
直溫良自是天界中人不墮鬼趣修摩羅王飛天
夜叉及八部龍神大將軍使者功曹俱有大福業
而未免慾怒者也按真誥諸書夏禹入陽明洞天

爲紫庭真人虞舜遇太上老君授道德真經爲蒼
梧仙官下度女真王妙想夏啓爲東明公文王爲
西明公邵公爲南明公季札爲北明公周公爲北
帝師孔子爲太極上真公治九嶷山一云廣桑山
真君顏回與卜商俱爲地下修文郎又云顏回爲
明晨侍郎後爲三天司直張良爲門下侍中淮南
王劉安爲太極真人張衡楊雄爲北方鬼帝治羅
酆山莊周爲太玄博士又云爲太極闡編郎嵇康
爲中央鬼帝治抱犢山屈原爲海伯統八海王弼

爲丘監嚴君平在峨眉山鬼谷子爲太玄師治青城山墨翟爲太極仙卿郭景純爲都錄司命治雲臺山周顗爲鬼官司命賈誼爲西明都禁郎以治馬融事不當謫太山司馬都監爲南門亭長臧洪爲北斗天門亭長紀瞻爲北天修門郎與虞譚更直守天門顧和爲執蓋郎溫太真爲監海伯杜預爲長史蕭子雲爲玄洲長史王嘉徐庶何晏殷浩俱侍帝長庚亮爲北太常前中衛大將軍孔融爲後中衛大將軍陶侃爲西河侯蔡謨爲長史荀彧

爲北明公賓友謝幼輿爲左副監東方朔爲華陽
洞主司馬季主爲委羽仙人曹植爲遮須國王蔡
邕爲修文郎劉楨徐幹王粲俱爲侍中王導爲尚
書令陶隱居爲蓬萊都水監楊羲爲東華上佐許
遜爲九州都仙太史高明大使魏鄭公爲太陽都
錄太監杜佑馬總爲六押大都統劉文饒爲華陽
洞童初府上帥鄭崇爲大霍山長白紫清曰李白
今爲東華上清監清逸真人白樂天爲蓬萊仙長
又曰白居易爲海山院主韓退之爲真官前身爲

冲和真人顏真卿爲北極馭邪院左判官白玉蟾
亦爲之寇萊公蔡忠惠俱爲閩浮提王龐籍爲王
屋山君韓魏公爲紫府真人又云爲泰山之神石
曼卿爲芙蓉城主王平甫爲靈芝館仙官歐陽修
入嵩山神清之洞蘇子瞻爲奎宿星官一云紫府
押衙劉景文爲雷部掌事沈文通爲地下曹司已
上諸公或生天界或登仙山或主冥府或爲散仙
所證不同要各自其功德福業所感召此皆名跡
偶傳於人間載於記籍者其韜光晦迹不爲人知

者何限先儒曰天堂無則已有必君子登地獄無則已有必小人入至哉斯言又陰有伏骨胸有偃骨眼有綠筋眼四規掌理廻菌鼻有玄山腹有玄丘皆書名琳札瑤篇仙相也蔣子文曰骨青者當爲神夫布德積功至忠至孝歿爲正神固無疑矣世有邪僻獷悍之徒迹其生平所爲罪業不少而乃聞有死而爲神者其爲神也則又邪僻獷悍妄降禍福恣赫愚夫愚婦索人祭饗取人子女敢於自作淫凶而罔畏上帝上帝亦不聞遂顯行罰戮

何也曰其邪氣未盡也邪氣方旺故歿爲邪神當其盡也其自取罪罰不小矣亦猶惡人貫盈必遭覆滅無疑也按周禮烹調者謂之庖人牧獸者謂之獸人取魚者謂之獻人獻音魚釀酒者謂之酒人治酒漿者謂之漿人掌冰室者謂之凌人司籩者謂之籩人掌醢者謂之醢人掌醢者謂之醢人縫衣者謂之縫人司染者謂之染人織履者謂之履人司廩者謂之廩人司倉者謂之倉人司舂者謂之舂人司樂者謂之樂人司封疆者謂之封人

牧六畜者謂之牧人牧馬者謂之圉人司市者謂之廛人掌山林者謂之虞人治獸角者謂之角人治鳥羽者謂之羽人掌苑囿者謂之囿人掌場圃者謂之場人牧鷄者謂之鷄人司冢墓者謂之冢人司竈者謂之竈人司卜者謂之占人掌馬政者謂之校人伺候道路者謂之候人又鍛者謂之冶工裝表者謂之糊工又謂之裝池人又謂之裝潢人女庖謂之藥娥磨鏡者謂之負局人仙人有負局先生釘鉸者直謂之釘鉸梳篦人謂之櫛工掌

門者謂之典謁又直謂之門者書記又名掌故阜
隸與臺之屬左傳欒卻之家降爲阜隸伍伯崔豹
古今注一伍之伯也五人爲伍五長爲伯古兵士
之名重臺僕之僕也韎師鞮韠氏皆掌夷樂官韎
音妹行軍祭師謂之禡祭禡莫駕反婦呼夫爲藁
砧婢名侍兒又名青衣僕名蒼頭又名平頭奴又
名小者城旦春旦起行治城春司空城旦書刑書
也鬼薪取薪給宗廟者長年三老舟師年長者黃
頭郎櫂舩人古者櫂舩人以黃布裹頭黃者土也

取土尅水之義也踐更者出錢顧貧者役月二千
錢曰踐更間左下戶也間右上戶也織蘆荻謂之
緯蕭莊子曰河上有家貧緯蕭爲業漂者謂之擊
絮莊子謂之泝泝統越絕書浣沙女又謂之擊絮
女婦人賣酒謂之當壚史記文君當壚庖溷溷音
福洗滌處也燃竈謂之執煬事又謂之煬者列子
曰煬者讓竈宋時寒食有拋壻之戲兒童飛瓦石
之戲也梅都官詩窈窕踏歌相把袂輕浮賭勝各
飛壻壻音七禾切自經謂之雉經俛閉氣而死若

雉婦人年老失寵謂之房老石季倫妾鸛風爲衆
妾毀妬退爲房老魏文帝妾薛靈芸又名薛夜來
巧鍼工宮中號爲鍼神晉武帝選女子有姿色者
以絳紗繫臂謂之繫臂紗隋煬帝選長白女子擢
龍舟謂之殿腳女以宮中女人掌花謂之司花女
女子以帛纏足謂之雙行纏起于李後主令宮人
宵娘以帛繞腳令纖小唐尚書郎入直供青縑白
綾被或以錦縹爲之給帷帳通中枕侍史一人女
侍史二人皆選端正妖麗執香爐香囊護衣服柳

毅傳洞庭龍君所居有靈虛殿玄珠閣龍女牧羊
謂之雨工樊夫人令裴航搗靈藥謂之玄霜崔生
遇仙女乃西王母第三女號玉卮娘列女傳夏姬
鷄皮三少善彭老交接之術漢趙飛燕內視三日
還如處女皆女妖也漢高帝戚姬以百鍊金爲彊
環照見指骨陳後主以宮人有文學者袁太捨等
爲女學士唐薛濤有文學號女校書楊貴妃豐艷
宮中妬者呼之爲肥婢唐玄宗夢仙子奏曲名紫
雲迴又夢賜凌波池中龍女曲名凌波曲佛稱如

來又稱能仁氏又稱空王又稱法王又稱覺皇又
稱金仙仙人稱帝君天王真王真君元君真人仙
人僧稱沙門闍黎比丘頭陀大德大師有德法者
稱法師習禪定者稱禪師講經者稱講師小僧稱
沙彌又稱行者僧稱施主曰檀越出家男子稱優
婆塞女人稱優婆夷又稱比丘尼在家出家稱居
士維摩詰居士龐居士是也人主好道稱梵王人
臣好道稱宰官僧歲謂之僧臘僧衣謂之袈裟又
謂之僧伽黎衣又袈裟以毛爲之僧化謂之涅槃

化而焚尸謂之荼毗又謂之闍維梵語南無此云
歸命信順以南爲離離中虛無心智乃明也佛覺
也婆伽婆此云成就衆德也釋迦牟尼釋迦此云
能仁牟尼此云寂嘿也卽言心體本寂也彌勒此
云慈氏真慈應物也阿彌陀此云無量壽卽真如
性無盡故文殊師利一名曼殊室利菩提薩埵此
云覺衆生也埵多去聲摩訶薩摩訶此云大卽大
菩薩也須陀洹此云預流預聖之流也斯陀含此
云一來謂一往天上一來人間便取寂滅阿那含

此云不還只此滅度不復更還阿羅漢有四義總
言殺煩惱賊遠離諸惡堪應供養更不受三界生
也修多羅此云契經也乾闥婆音樂神也迦樓羅
此云金翅鳥緊那羅此云歌神頭作馬頭是人非
人摩睺羅伽此云腹行蟒神藥叉此云夜叉鳩槃
荼鞞舍遮皆惡鬼也一闍提無善心謗大法波旬
魔王也調達欲傷害佛者也刹那此云頃刻泥犁
地獄名善根燒煩惱薪名曰煖法欲愛乾枯名曰
乾慧弊迦蘭那此云受記羴提此云安忍羴初眼

反三昧此云正定奢摩他此云寂靜亦云止息三
摩跋提此云在定瑜伽此云相應謂一切乘境行
果皆與心相應阿蘭那羅行此云無諍阿耨多羅
三藐三菩提總言無上正等覺僧伽藍此云衆園
震旦國此云多所思慮多所計作卽今漢國也維
摩詰淨名也婆羅門梵志也辟支此云獨覺比丘
此云乞士上乞法下乞食波羅蜜此云彼岸禪那
此云淨慮般若此云智慧咩米去聲牟聲也阿閼
毘佛名也閼音觸大悲呪云阿穆佉耶佉區耶切

如意呪云沙夜吽癸莎訶吽音轟癸音判消災呪
佉吽佉吽音戲善天女呪阿他阿菟婆羅尼菟
音耨福不唐捐言無盡也唐捐虛捐也陀羅尼呪
也此云總持摩登伽此云娼女又曰尋香人四十
里曰一由旬阿僧祇言無盡數大目犍連此言采
菽氏鳩摩羅什此言童壽舍利此言堅固佛之舍
利名堅固子尊者名鷲鷲子娑竭羅海此云鹹海
阿鼻此言無間波羅提木叉華言別解脫耆闍崛
山此言靈鷲山檀波羅蜜此云布施菩薩鬘此言

瓊瑤頻伽鳥此云比翼鳥窳堵波此言塔也道家
取坎填離心居東方心神也爲離爲火爲木爲汞
爲青龍爲木公爲日魄爲朱砂爲二八姤女爲青
衣女子爲天魂爲乾家爲乾爐爲玉鼎爲玉爐爲
扶桑爲下弦爲東陽爲長男爲赤鳳爲木液爲青
娥爲性爲白雪爲流珠爲金烏爲牝龍爲玉芝爲
朱雀爲朱裏汞皆言汞之總名也腎居西方腎水
也爲坎爲水爲金爲鉛爲白虎爲金公爲月魄爲
水銀爲九三郎君爲素練郎君爲地魄爲神位爲

坤鼎爲金爐爲金鼎爲華岳爲前弦爲西川爲少女爲黑龜爲金精爲情爲黃芽爲金華爲玉兔爲雄虎爲刀圭爲玄武爲水中金爲水中銀皆言鉛之總名也水升火降坎離交媾皆以意爲之牽合意土也土居中央故謂之黃婆先天一氣產而成大藥一點落黃庭謂之金丹謂之黍米珠謂之聖胎東夷百濟國馬韓之後地隣遼東夫餘王東明之後有仇台者始立國于帶方故地其俗王夫人不加粉黛女辮髮垂後已出嫁則分爲兩道盤於

頭上衣以袍而袖微大其初以百家濟故號百濟
夫餘國在玄菟北南與高句麗東與挹婁西與鮮
卑接其俗人無晝夜好歌吟不絕刑嚴急被誅者
沒其家男女犯姦淫皆殺之尤惡妬婦旣殺復尸
於山上兄死妻嫂殺人殉葬多者百數其王葬用
玉匣新羅本辰韓種國小附百濟以通中國倭在
東海島中男子皆黔面文身女被髮屈紒俗皆徒
跣以蹲踞爲恭酷悍好殺男女不淫日本倭國別
種也高句麗卽高麗又號朝鮮在遼東之東過鴨

綠江俗節於飲食而好治宮室其俗好淫皆潔淨
自喜夜輒男女群聚爲倡樂衣冠華偉器物精良
好文墨書史有中華之風俗多遊女夫無常人婚
嫁不用聘禮取男女自相愛悅肅慎濱大海而國
夏則巢居冬則穴處父子世爲君長無文字以言
語爲約婦貞女淫貴壯賤老犯盜必殺扶桑國在
大海之東其地多扶桑木故以爲名流求卽琉球
居海島之間其俗父子同牀飲酒呼名而後飲歌
呼蹋唱好殺樂戰又玄菟樂浪俱在遼海以東南

蠻越裳在交趾之南周公相成王時嘗重譯來朝
黃支國俗與朱崖略同地多明珠琉璃奇石異物
大珠圍及二寸槃瓠昔高辛氏患犬戎之寇募天
下有能得犬戎將吳將軍首者妻以少女時帝有
畜犬名槃瓠遂銜吳將軍頭來闕下帝不欲失信
以女配焉槃瓠得女負而走入南山止石室中生
六男六女自相夫妻帝賜以山澤其後種族滋蔓
號曰蠻夷今長沙武陵蠻是也地出賁布板楯蠻
居閭中臨渝水天性勁勇俗善歌舞今有巴渝舞

哀牢夷始九隆兄弟本龍種人皆刻畫其身象龍
文衣皆著尾林邑與越裳日南爲界其王著法服
加瓔珞如佛像之飾出則乘象吹螺擊鼓不設刑
法有罪者使象蹋殺之其天性好婆羅門教嫁娶
必用八月女先求男俗賤男貴女同姓爲婚死焚
中野真臘在林邑西南本扶餘屬國其王三日一
朝坐五香七寶床上施寶帳前有金香爐二人侍
側王頭戴金寶花冠披真珠瓔珞其俗人每日旦澡
洗以楊枝水淨齒讀誦經呪男婚禮畢卽與父母

分財別居喪葬男女七日不食剔髮而哭盤盤國
在南海大洲中北與林邑隔小海其王坐金龍牀
諸大夫皆兩手交抱肩而跪重天竺婆羅門僧尼
讀佛經皆食肉飲酒丹丹國在多羅摩羅國西北
其俗亦重佛教朝婆羅門其地出金銀白檀檳榔
孔雀蒲萄石榴菱蓮蔓菁又出火齊香藥等物火
齊玫瑰也頓遜國近扶南西接天竺敬奉天竺婆
羅門好讀天神經以香花自洗精進不舍晝夜羅
刹國其人朱髮黑身獸牙鷹爪故號羅刹羅刹者

惡鬼也南詔蠻本烏蠻之別種姓蒙氏自言哀牢
之後諸葛孔明嘗征而臣服之結胸國其人結胸
羽民國其人身生毛羽能飛不能遠僬僥國其人
長三尺或云長一尺五寸飛頭國其人能以頭飛
至海邊食魚蝦飽則飛還鮫人魚腮能築室居水
中采珠織綃綃衣輕如煙霧得珠若少則泣而眼
中出淚皆成珠儋耳國生則鏤其耳數行以織爲
業穿胸國生而其胸天然穿孔夜郎國南夷君長
以十數夜郎最大道經番禺臨牂牁江其地出枸

醬其先有一女子浣於水邊得三節大竹剖視之
得一男子歸養大有才武自立爲夜郎王以竹爲
姓號爲竹王今夜郎縣有竹王神祠九真日南滇
茆嶠冉駹牂牁墨獠朱提俱西南夷種名以其南
而近西故謂西南夷西戎古名犬戎又名鬼方又
名陸渾之戎總名西域鄯善國本名樓蘭最在東
埤近漢白龍堆地乏水草于闐國在葱嶺之北于
闐之西水皆西流注海其東流注澤河源出焉其
俗信佛法相傳是老子西出關化胡向道之所王

每設齋日必親自灑掃饋食於僧尼地產美玉王
帶金冠妻帶金花其王髮不令人見俗言若見王
髮其年必儉樂府有子聞採花歌亦其俗也龜茲
小國卽後涼呂光所立其王頭繫絳帶垂之於後
坐金獅子牀其地出細氈鏡銅鉛鐵璫毬沙鹽雄
黃胡粉安息香等物天竺國一名身毒國在月支
東南漢明帝夢見金人長大頂有光以問羣臣傳
毅對曰西方有神名佛其形長一丈六尺而黃金
色帝於是遣使之天竺問佛道法西域僧摩騰與

使者偕來佛法始傳於中國圖畫佛氏形像寺殿
香火漸以繁盛國中以貝葉書經謂之貝葉經以
修浮圖道故其俗不瞋慧不狡黠不殺伐清淨平
直化人之國不當與他西羌竝論淨飯王摩耶夫
人生悉達太子出家雪山修道成佛號釋迦牟尼
永超三界普度群迷卽其地也罽賓國王治修鮮
城地平溫和有苜蓿雜草花木蒲桃金銀銅錫孔
雀珠璣珊瑚琥珀琉璃條支國臨西海產獅子犀
牛地氣暑濕安息國治番兜城風氣近類罽賓產

名香大月氏北與蠕蠕接蠕音旋虫行貌以其國
人類虫故名蠕蠕大月氏物類民俗與安息同控
弦十餘萬故強輕匈奴至冒頓單于攻破月氏以
其王頭爲飲器大宛國多天馬汗血苜蓿蒲桃以
蒲桃爲酒富人藏酒至萬餘石久者至數十年不
敗俗耆酒焉疎勒國王治疎勒城漢耿恭爲戊巳
校尉曾引衆入其城拜井得水高宗末遣使送釋
迦佛袈裟長二丈五尺驗之靈異康國康居之後
國踰葱嶺有胡律置祆祠人有罪就而決罰焉嗜

酒好亂有婆羅善占星候氣以定吉凶又有渴槃
陀渠搜大夏伏靈尼伽色尼車師高昌諸國吐谷
渾本慕容氏遼西本鮮卑族波斯古條支國烏孫
在大宛東行隨畜牧俗似匈奴漢以公主遠嫁烏
孫有歌甚悽愴後徙居葱嶺大食國在波斯之西
出寶珠莎車有鐵山出青玉馮奉世嘗矯制發諸
國兵斬莎車王呼屠各又迦毗盧烏斯藏俱天竺國
別名蒲類國王居大山西疏榆谷一帳而居逐水
草能作弓矢以其地近蒲類海故名吐蕃南涼禿

髮利鹿孤之後國無文字刻木結繩爲約燕享令
容自射牲以供饌人信巫覡不知節候以麥熟爲
歲首圍碁六博吹蠡鳴鼓爲戲重壯賤老拜必兩
手據地作狗吠之聲北狄在周號獫狁在漢號匈
奴在唐號突厥在宋號契丹在我朝號韃靼其
國有左賢王右賢王左弈蠡王右弈蠡王等十六
號皆用單于親子弟其俗人啖生肉飲乳酪身體
羶燥勇悍輕生善射騎好剽掠喜則人怒則獸皮
裘毳帳所居無常恒逐水草而遷徙託跋氏其先

漢將李陵之後陵降匈奴單于妻以女字託跋其
後因氏焉又名索虜部落數萬家在雲中虜俗以
四月祠火六月末率大衆至陰山謂之却霜六朝
北魏乃託跋氏種北狄有混同江黑水祁連山臙
脂山單于自號名王又號天驕謂天之驕子笨音
全癡也晉書有笨伯犂音貢飛起也又音紅甘泉
賦犂天門騶音鳥戲相擾也噴虎孔切囉噴曲名
蕤呼貢切菜之初萌也广音儼因崑爲屋也懷古
悚字又獎也漢刑法志懷之以行彳亍音斥觸行

不進也汞呼孔切水銀也戰坼裂瘡皴皴皆寒創也榦音斛榦檟木名又樸檟小木也身毒國音捐燭西域國也盅音冲器之中虛也睚眦睚音薤舉眼也眦音豸目眦也又漢書作厓皆眦音總憑音湧相勸也亦作從史慙又音疎唐王起論周穆王傳嚭嚭古善御馬人名嚭音泰嚭音丙韎韎音妹合士衣蔽膝也罽烏合反網也吳興有罽畫溪謖音肅起也三國有馬謖劬女六切敗北也慝女六切慝也湜音實水清也唐有詩人崔湜經音墨徽

繆索也輦音弔亦作輦以鐵如錐施之屐下禹山
行所乘霤霤小雨也膠霤古寥廓二字讞音孽議
罪也糲音辣粗糲之飯也楫桡音骨咄短木也斲
音雀斬也書斲朝涉之脛扶初日反扑打也霽音
適三色雲也赭音者丹土堊音惡白土髹音休丹
多黑少漆也臠音壑肉羹也又作臠牂音臧母羊
也珏音角雙玉也嚮音學又音斛鳥羽肥澤也歎
音觸昌歎又怒也噪音顙喉也窆音變墓下棺也
甌音擔小甌也沁千蔭反晉水名窆陰去聲地室

也害音教地藏也杼柚機具也詩大東小東杼柚
其空葍音垢材木交處又中葍閨門內也詩云中
葍之言不可道也嫵音意婉嫵柔順貌媵音孕妾
也礪音宕卽蕩徐沛芒礪山也洪音洪大壑也呂
梁縣水三十仞流沫四十里今爲呂梁洪音隆
山深貌薌古香字嘖音夏聲變也穠稭禾也邏盧
過反巡偵也貽丑吏切愕貽驚貌纛音蹈羽葆幢
也淖音鬧泥也訔音紅又音降惑亂也詩蝨賊內
訔頤音紅又上聲大水貌湏音董乳汁也晉書餐

羶飲湏音幹骹骨也恩音混憂也墨音問玉破
痕袒免免音問輕服也玳瑁音妹音臺音資小鼎
也鼎音奈鼎之大者沆杭去聲溼音薤日初出氣
也屣屣音儀山巉巖貌音移衣緣也相如賦
揚音虺音削音若音牙木柵堡音補塞音塹也勾卽丐字
罽音計魚網也縹織毛爲布也偈音技佛詩也鰕
音季魚名毳音翠獸細毛也俚音恣又作事俚刃
挿刃也飲音飛古劒士漢取以爲軍官名綦音
其帛蒼艾色履綦履飾也蚺音遲蝥子也霽音蒙

亦作霁天氣下降地氣不應也作霧非須女
字也屈原之姊名女嬃妍音鷄柱頭也倬音同古
有隱士臺佟字孝威齟齬音岳銀齒根也憑音倭
恣憑音不和殯音墳土羊也襍音僕襍被削幅被
也晉魏舒傳襍被而出璊音門赤玉也智音寃目
無明也又枯井謂之省井异舉也退也已也又古
異字勣音異勞力也邗音寒邗溝揚州難音然燒
也語有難燭綸音瘰白綸巾又青絲綬芊音米楚
姓也雌霓霓五結反沈約賦雌霓霓連蜷齋音殷大

波聲壩音旋海岸也又作喚田邊也蠕亦音旋蠕
蠕虫行貌歆音囂又呼木切氣出貌煊呼木切炎
熱也橈音敲禹治水泥行所乘焱犬走熈火飛杓
斗柄漙詩云雨雪其漙穉詩云是穉是蓂除田穢
草也俱音標釗音招弩牙也磻音鵲恭敬也左傳
人名有石碣邛我也又與昂同高也垚音堯土高
也橐音高箭韜也韜亦作弣獠音撓母猴也罔音
訛鳥媒也覲音羅覲縷多言也俛音語大也詩碩
人俛俛櫛音渣小梨也圉音青溷廁糞槽也頰音

稱赤色也儻音橙儻父楚人相罵語也砵音烹鉤
音薨鐘鼓聲也鞞音汀帶革也又程音汀牀前木
也宋岳珂作程史驚釜屬瀟水名鐔劒鼻俱音尋
柳音森木盛貌驂驪驪音覃馬行也毳音杉毛長
也慙音酣癡也痂音加乾瘍也珈音加婦人首飾
也詩副笄六珈時音止土高處漢祀五時之神眈
音米物入目中也踔音綽又音卓踔絕才能也詠
音卓詠毀也楚詞謠詠謂余以善淫蓓蕾華蕊也
蕾音石碩鬢音軫詩云鬢髮如雲韞尺忍反笑貌嚙

尊上聲噂咻諂語也𤇀鮮上聲兵火也𤇀音蹇足
胝也𤇀音礪山形似甌者𤇀玉甌獻瓦甌也𤇀音
杳白也𤇀音稿白貌𤇀音宵𤇀音眇俱大水𤇀音
浩周𤇀京𤇀音保鳥名詩云肅肅𤇀羽𤇀𤇀音剡
移門𤇀也𤇀音影頸瘤頰音景小光也溟𤇀音
悻太和混合之氣也𤇀牙去聲𤇀光石也𤇀音斗
冕傍𤇀也𤇀音𤇀髮垂貌𤇀𤇀音丘慈西域小國
名𤇀音詫𤇀尺祭切失志貌𤇀即球字美玉幽𤇀
龍貌𤇀地地名亦亭名𤇀足不伸俱音求旂旗之

末垂者書龍旗九旂迫笑貌標燎柴俱音尤標又
音酉卣酒尊音酉颯音彪驚風也滌息有切米滑
也禮滌隨以滑之汨音囚浮行水上也首出而身
隱水中如囚之在檻也衷古袖字涑先侯切河東
聞喜縣水名司馬光號涑水氏汧古流字絡音柳
衣十絲爲絡今人破衣取物謂之剪絡鞬射臂捍
衣也箠以竹籠覆火也緤刀劒頭纏絲爲之者俱
音鉤釦音口金飾器口也袂祖謂便衣無禮也袂
楚懈切𪔐音冠鳥子欲出者鞬音妥下垂也又丁

可切軀音鷗深目也颺呼侯反大風也盭音周屋
音質水曲曰盭山曲曰屋秦京兆府縣名味音呪
又平聲鳥口也儵音稠魚名莊子儵魚出遊從容
是魚樂也籀音紂史籀周宣王太史作大篆者矢
之善者曰敢音鄒造音奏齊飛順疾貌唐書造羽
鵠鷺萋蒿也音間禡莫嫁切師旅所止之地祭名
也詩是類是禡臉音頭牆板也萬石君傳取親裙
廁臉浣洒親褰近身小汗衫也廁臉廁中受糞版
也皆取而浣洒也餌釘音豆丁細雜食也甑薄口

反罌也髟髮長垂貌鸛馬走貌俱補尤反瀧音雙
又音龍水湍急爲瀧韶州樂昌縣有瀧水娖音綽
小謹貌史記娖娖廉謹握齟齟音綽急促貌見酈
食其傳涪音浮巴漢水名有涪陵縣鍬音吉鐮刀
也纈繫繒染爲文也唐太宗詩霞彩纈高天纈以
衣衽扱物也詩采采芣苢薄言纈之擷將取也俱
胡結反甌音言山形如甌錢鏗彭祖姓名錢音箋
戩音剪福也牟音薦牟屋也喆音俱哲字也昂音
節山高貌毳音先毛革而鮮好也魚卽鮮字義古

羶字璵他旬反充耳也餐音鐵貪食也茱音涅疲
貌韓文氣象萎薊櫛音掘門闌杙也呖音血小聲
莊子劒首一呖而已媒音褻淫狎也絃玄去聲絃
服盛服也鄒陽傳絃服叢臺之下劓音摩切劓
也綏音逡又音詮東郭綏天下之狡兔也圖音傳
竹固以盛穀者禮記炳管蕭管腸間脂也蕭香草
炳然也然香草以和脂也管音僚炳音焚攣拘攣
變美好貌鬱切肉俱力轉反瓌音規偉也窪音蛙
牛蹄迹水也古語窪尊杯飲又低窪去聲雋音髓

越雋南海郡名佳朱惟反卽雕短尾鳥卽祝鳩俗
名鵜鴂魁音椎漢書尉陀魁結箕踞結卽髻字杓
儒稅切宋玉九辨圓柄而方鑿今吾固知鉏耨而
難入鉏耨音阻語標音累上聲禹山行所乘者類
音類絲節也又瑕疵也蠹音隊雲貌毳毼音裴思
鳳舞貌珮音裴又音倍珠十貫爲一珮相如賦琅
琅璚璚水石聲璚丘蓋反皚白也斂治也理也晉
有庾斂斂癡也俱音孩嫪毐音潦藹秦太后淫人
也躡履徐行貌躡音灑又音徒睠來去聲眴睠也

襜褕音耐戴不曉事之稱能囊來反三足驚也唄
梵唄西城謂誦經曰唄音敗蒟醬出西蜀似王瓜
蔓生子長大辛香似桑椹蒟亦作枸又音矩颶風
音具風海中大風言其具四面之風也獬豸似羆
虎爪食人獬音吉豸音愈袒裼音樹裼豎使所著
毛布衣也婢亦作嫫音戶美好也姹丑亞切河上
姹女水銀也稭稻莖也筈箭竿也俱音赶掇音雖
又音儼手摩也閤音汗里門也羸音付急疾也臙
音武美也詩周原臙臙又臙仕美官也嚮音響知

聲虫也能尋香知味酒醋間多有之俗名蟹子胖
蟹謂鬼神知聲也裝音壯大也唐三藏漢師名玄
裝憖音胤助語詩不憖遺一老塊北塊烏朗反北
烏結反太虛遊氣也塊北無垠壙垠垠音浪猶曠
蕩也莊子以處壙垠之野闔輅音湯塔鼓聲鏗鉤
鐘聲鯁音鬣無鱗有殼似蛤附石生王莽所啗卽
此疑音逆叟疑小兒有智識也靚音靖粉白黛黑
謂之靚粧磔音責裂也張也漢書磔於市分屍也
窳音成屋可容受處也我朝有皇史宬醕酊一

作茗_音蕉萃卽顛顛亦作憔悴顛音迪好貌唐有
司空于頔怒音匿憂也詩怒如調飢復呼正切冠
絕也管音榮湛酒也管惑也祆音軒胡神也病音
丙爾雅三月爲病月苹蘋蕭今蘋蒿也羃離婦人
覆頭巾也今俗謂之蓋頭服植鞢俱喧去聲鞋履
中模範也翦古猛反明也六合清明也鼡許于切
熟睡也剗破聲砉皮骨相離聲騞刀聲劃剖也漉
波相激聲俱霍號反靄音彭雷聲也踣仆也熨_音邛
熨地名在西蜀犍爲縣葍蘆葍俱音薄陰古遙字

趙充國兵難險度焦僥短人也箛卽蕭也左傳季
札見舞韶箛者卽韶簫也炆卽燒字寫音吊宵深
也窸窣音呌眺深遠也鷗音烏鳥名罍音高澤也
列子曰望其壙宰如也宰如也尻苦高反脊梁盡
處莊子有尻輪燹于刀反煨熟物也媼音襖女老
稱也鵠卽鳥字也隙卽隙字也薶音蒿拔去田草
也瑤卽寶字骭音幹脛骨也甯戚歌短布單衣適
至骭俚卽侃字唐書俚俚不于虐譽矸音汗甯戚
歌南山矸白石爛矸山石多貌擊腕同漢書云扼

擊蔓音萬瓜蔓也又蔓延也左傳無使滋蔓蔓難
圖也昔音九禮記冬用萐夏用苴草名檀欒竹多
貌僂呼關切輕薄巧慧也蘭音閒蘭也著粉藏衣
書中辟白魚卽都梁香草也藿音髓草木華敷貌
亦作霍稍音朔矛丈八者爲稍又作槊又握槊博
簍雙六也嫺音閑相如傳雍容嫺雅甚都雅靜也
屈原嫺於辭令習也菅音奸茅草也贇音賓彪音
賓虎文世說晉有江彪名士贇母板反目美貌答
賓戲贇龍虎之文漫漶漶音喚不分別貌擾音患

貫也左傳躬擐甲冑韞音榼車相擊也頤頤音撼
頤不飽貌離騷云長頤頤今何傷欲呼合反大歠
也淙淙俱音牀水聲也又音宗澆澆音饒著水小
聲匱匱音菴匱馬頭飾也杜詩馬頭金匱匱呼
含切𪔐音牙𪔐𪔐谷空貌𪔐𪔐俱音匱𪔐也馭悉
合反馭娑馬行疾也漢有馭娑殿窰音窰空穴也
后稷之子名不窰石蛙形似龜腳附石生一名紫
蛙音劫勰思之和也音協劉勰傳文心雕龍鱣音
業魚盛貌疔瘡病也苦草覆屋也又凶服者爲席

俱詩廉反苛嵐音可嵐山名在嵐州嬰音阿嬋姁
不決也髮鬢音裸墮髮美也鬢音疊細毛布也又
名都布唐有白鬢巾淦乃點反水流貌杜詩江雲
淦淦流瑾音謹黏土也月令蟄虫瑾戶適音科草
也又寬大貌堀堞音掘課塵沙也听音銀笑貌牲
音辛竝生而齊盛也脊卽慎字秭音姊秭歸縣名
屈原被放暫歸其姊亦來因名其地秭歸第牀第
上同楚辭薳筮施以盈室薳音資疾藜也獬音制
風犬也呬音仕砌也瑟音秘慎密也庀音避具也

又治也埤音皮增也書有埤雅員音運伍員後人
以爲姓唐有員半千又平聲畸音羈零也獨也莊
子曰畸人者畸於人而侔於天蕭何封鄼侯音醯
沛邑名俱音箕荀子云面如蒙俱俱方相氏也其
首蒙茸整音壑利也莊子整萬物而不爲義啗噉
大言也擴音窘拮同拾取也頽音軍又音隕大頭
也纛音巡三泉相通也梟卽昆字跋音存足蹈也
歛許忽反忽也隆隼隼音枕高帝龍隼龍顏懋音
悶煩也磨奴昆切香也晉書有杜磨異人也埒與

沒同芾音弗詩朱芾斯皇冕服也閩鄉地名古字
荼音分香木也澹音奮神水也芬音文亂也麝音
文臬實也蚡音文漢武安侯田蚡韌音刃堅柔難
斷也齋音盥水深廣也人無髮謂之禿鶯多鬚謂
之于思左傳于思于思棄甲復來思音顙又作髻
鬚亂髮謂之鬅髻又謂之髻髻黑髮初見白謂之
二毛左傳宋襄公不禽二毛白頭謂之華顛古云
太公華顛而興周甘羅童牙而報趙小兒披髮謂
之垂髫初總髮謂之總角又謂之髻角髻音挽痘

廢謂之天黥男子不生鬚者謂之天宦男子娶婦
終身不生子者謂之天閹小兒初生齒謂之齠齬
口不能言謂之瘖瘖啞也口蹇不便言謂之口吃
人缺嘴謂之兔缺唐處士方干爲人兔缺兔嘴缺
也故孕婦不可令見兔暴下謂之河魚之疾左傳
曰河魚腹疾下痢亦作下利愠羝腋氣也唐崔令
欽記云范漢女大娘子有姿媚而微愠羝口臭謂
有口過唐武后曰非不知宋之問有俊才但嫌其
口過之問乃銜鷄舌香以朝又曲背謂之偃僂又

作痾癭一音樞婁一音句呂疳羸仰首之疾曰疳
左傳魯欲焚巫尪以鼻孔向上天哀之故不雨欲
焚之以待雨人短謂之侏儒又謂蓬唐書王伾傳
形容蓬陋音醯又作矧東方朔戲恐侏儒僬僂埽
人俱短人也龍伯汪罔俱長人也跛者謂之蹇跚
蹇蹇蹇蹇一作蹇蹇蹇蹇一作蹇蹇蹇蹇又勃
宰相如賦蹇蹇勃宰相上金隄跛一作蹇音壁史記
平原君樓上美人笑蹇又莊子兀者王駘兀亦跛
也肉外之肉謂之附贅懸疣卽癭瘤也齊有癭瘤

女采桑齊王過之不顧女子月事謂之程姬之疾
史記程姬有所避不願進注天子諸侯羣妾以次
進御有月事者止不御更不口說故以丹注面目
的的爲識令女史見之的的紅也病狂語謂之詹
語夢語謂之吟嚙錢謂之阿堵又晉人呼物皆謂
之阿堵聚金共飲曰鑠金令甲法令首篇也甲乙
之甲瑾音近餓殍也左傳道瑾相望殍音謹以瓢
爲酒器婚禮用之譙樓一名巢樓言高也又名麗
譙言其華麗也媒葉媒酒教也葉酒麴也齊人名

麴餅曰媒媒蘖言醞釀成人罪過也鉤鉅謂鉤致
人情鉅閉之使不得去也銛箎銛音項瓶也箎狹
口如瓶可入不可出之器也擇米使白曰白粲盱
衡眉上曰衡盱上視也紫泥天子六璽俱取武都
紫泥封也巫覡男曰覡女曰巫覡音亦款段馬款
緩也緩行弱馬正月春秋書春王正月又曰履端
又曰孟陬正月十六日曰耗磨日二月十二曰花
朝三月曰寤月四月曰麥秋四月八日曰浴佛日
五月五日曰蒲節七月七爲七夕七月十五爲中

元孟蘭盆節九月曰菊月十月曰陽月十月乃純
坤無陽之月故反言之秦以十二月爲嘉平月臘
月也秦始皇時謠曰神仙得者茆初成帝若得之
臘嘉平始皇聞之遂改臘月爲嘉平月也荆楚歲
時記冬至後一百五日謂之寒食寒食禁火食乃
爲介子推又十二月爲蜡月祭八蜡月也自初一
以至十五爲莫生日自十六以至三十謂之莫飛
日蓋堯時莫草生于階庭如此颼颼秋風也石尤
風逆風也春有寒食雨三月榆莢雨五月黃梅雨

春有花信風棟花風鯉魚風又三月桃花水客俱
就權勢之門偶有一二至他家者其家謂之殘客
古語云吾不能見何敬容殘客外夫謂之面首宋
廢帝爲山陰公主置面首二十人美童謂之變童
又謂之佼童又謂之頑童龍陽君泣前魚彌子瑕
矯駕君車啖餘桃鄧通賜自鑄錢閔籍孺薦枕韓
嫣挾金彈丸董偃卧王牀董賢斷袖何晏傳粉陳
將軍歌周小史明下童皆言男寵也古語云美男
破老盜謂之佞僂語出莊子又謂之梁上君子語

出陳仲弓囚謂之南冠君子事本鍾儀莊舄孫權
以舟名馳馬曹真以馬名驚颿天然互對也左傳
既定爾獫狁豬盍還我艾豨獫狁音間牝豬求子者艾
豨牡豬也豨音加貳音巴獫音宗豕二歲爲貳壹
歲爲獫詩一發五豨一發五獫肺附之親謂如肺
之附肝也腐刑如腐木之不生實也二十四銖一
兩也姑布子之術相人術也有姑布子卿善相人
青烏經堪輿家言郭璞作者筮筮卜也楚詞云索
瑤茅以筮筮兮命靈氛爲余卜注曰瑤茅靈草也

筵小破竹也楚人名折草破竹以下曰筵越相范
蠡有其書當卜時自其所向得草木枝不計多寡
左右手一縱一橫揲之以三而數周其扚以斷吉
凶禍福也又有鷄卜瓦卜皆小數也醫藥謂之刀
圭又仙丹刀圭謂如刀鋒圭角也又戊巳二土爲
圭也醫方謂之肘後髻音槌以麻約髻曰髻婦人
喪髻也人窮困投人謂之魚曝鰓閩人呼龍眼爲
荔奴北人呼茗爲酪奴又橘爲木奴帝王世紀曰
堯時厨中自生肉脯薄如箠搖則生風使食物寒

而不臭名曰箠脯又云箠莆東海度索山一名度
朔山多桃花有二神名神荼鬱壘取鬼之爲害者
以葦索執之用食虎款乃音襖藹權船歌也辟倪
音睥睨眼空無人也身毒音捐竺西域國名也東
園匠主作皇陵內器物者漢魏六朝間給大臣勳
貴之已故者東園秘器此也珠襦玉匣珠襦以珠
爲襦如鎧狀連縫之以黃金縷要以下玉爲桺至
足亦縫以黃金爲縷殮葬之衣也太子率更令掌
知刻漏者唐歐陽詢嘗爲此官率音律揚施戍削

舉袖有裁制又作衣聲也噤齟忍口怒齒也義髻
假髻也義甲假爪甲也今呼假子爲義男漢射聲
校尉工射者也冥冥中聞聲則中之因以名也戊
巳校尉戊巳者土也土寄王于四時位在中央今
所置校尉處西夷三十六國之中故曰戊巳也駙
馬都尉駙副也非正駕車故爲駙馬散騎常侍騎
而散從無常職也中涓涓潔也言其在宮中主潔
清灑掃之事蓋親近左右也賈山傳祝饘在前祝
鯁在後爲老人食好饘鯁故祝之漢百官表中壘

屯騎步兵越騎長水胡騎射聲虎賁凡八校尉胡
騎不常置故言七校求盜捕逐盜賊之卒也亭長
主亭之吏也亭謂停留行旋宿食之館也通籍謂
人臣禁門之中皆有名籍恣出入也尉薦謂安尉
而薦達之勸駕有賢者應貢京師其人或引高不
就郡守身自往勸勉駕車而遣之計偕漢武帝紀
徵吏民有明當世之務習先聖之術者縣次續食
令與計偕令所徵之人與計吏偕來京師也計吏
入覲就考之吏也莊子曰櫻寧言櫻逆頓擾而其

神常寧也奧突室西南隅爲奧東南隅爲突莊子
不龜手之藥言以藥塗手手不龜坼也龜音君凍
坼也燐鬼火也鄰音鄰水在石間也洸洋音光羊
大也躡音各蹂躡也禮云商祝執功布以御柩執
披謂以大功之布長三尺居柩車之前若道有低
昂傾虧則以布爲抑揚左右之節使執引者執披
者知之也大夫御柩以茆諸侯以羽葆天子以纛
指引前後左右皆如功布之施爲也羽葆飾雉羽
爲旗輶輅車天子喪車取溫涼之義也牕牖間鉸

釘環紐古謂之屈戌梁簡文帝詩織成屏風金屈
戌唐李商隱詩鎖香金屈戌鋹鍛鋹音亞鍛音加
甲也躡踎動貌祛音驅袖口也史記跼躡輕躡無
根小履也跼音喋是邯鄲婦人之俗男女以目相
視而戌歡謂之目戌望而送其行謂之目送以目
視人而示不平之意謂之目攝挑撻頑滑貌骹骹
屈曲也骹古委字骹古禍字也皐古罪字也攷古
奪字也牽牽古幸字也簞古誤字也嫫古斑字也
晉古晉字也詈古愆字也譖古善字也難古然字

也窀穸窀厚也窀夜也猶長夜也謂死者既葬卽
長夜也居間居中間而爲之闢說以爲地也緩頰
以口頰爲之從容緩談而解人之事也長物賸餘
之物言無用也長去聲縮肉謂退怯不任事也喾
窳窳音裕短弱自廢也么磨磨卽麼細小也僕邀
卽樸藪凡短貌選與與卽軟恇怯萎懦貌虔劉誅
殺也請間欲請間隙有所陳說不願於衆顯論也
予寧漢哀紀博士弟子父母死予寧三年謂許寧
家治喪服也無將春秋人臣無將將必誅謂謀不

軌未有其事先有其意也髹工製器皿旣漆而復描金其上謂之鎔金鎔去聲磨堯堅古慎言人也又金人三緘其口又古語云守口如瓶又詩云耳屬於垣皆慎言之義也又孔子觀於太廟歆器中則正滿則傾虛則覆言持盈挹損守中也犧尊言梭尊古酒尊名此音梭又去聲楚詞語哀聲也南海采珠之人懸絙於腰沉入海中良久得珠撼其絙舶上人挈而出之名曰烏蛋戶有時聚剽名曰蛋賊蛋音旦酉陽雜俎云凡冢井間氣秋夏多殺

人先以鷄毛投之直下無毒若迴舞而下者不可
犯當以泔數斗澆之方可入矣阿瘡瘡古出軍喊
聲也今江南櫂舟人尚有此聲瘡音會左傳鄭重
頻煩也漢司馬相如傳大漢之德旁魄四塞言廣
被也魄布各反淮南王傳骹天下正法骹古委字
謂曲法也文致謂巧爲文而致成人罪也文無害
謂文法寬平不害物也園墻一作園屏獄也逮繫
逮捕逮及也謂辭所連及卽繫捕之也錄囚或作
慮囚錄審錄慮謀慮俱通蓋省其情狀有冤滯與

否也蠶室顏師古注曰謂腐刑也凡養蠶者欲其
溫而蚤成故爲密室蓄火以置之而新腐刑亦有
中風之患須入密室乃得以全因呼爲蠶室也胥
靡胥相也靡隨也聯繫使相隨而服役今之徒罪
也反接反縛兩手於背使相接也瘦死獄中瘦或
作瘡病也囚徒或因榜笞飢寒病死於獄也井幹
井上木欄也幹音寒西清者西廂清淨之處也青
蒲史丹傳頓首伏青蒲上天子便殿以青蒲席布
地非近侍不得到也金鋪甘泉賦排玉戶而颺金

鋪今李奇注曰鋪門首也愚謂以金鋪門爲飾也
卽門環也宵人小人也又稱細人大人又稱鉅人
莊子陳人老人也清人清士也通人達人也溪刻
孤高刻厲也晉王敦曰於陵仲子溪刻自處霄雊
消搖也亦作逍遙鼻祖始祖也人之受胎成形鼻
最先成也耳孫玄孫之子去其高祖益遠但耳聞
之也蘇武傳匈奴曰漢天子我丈人行也丈人尊
老之稱行去聲丘嫂一云丘空也嫂寡空房居也
一云丘大也長嫂之稱家督謂長子一家諸子之

督率也東方朔傳割肉以遺細君細君小君妻之
稱也又云朔妻名細君未必然小妻妾也東方朔
以神君女宛若爲小妻阿咸姪也阮咸爲籍姪有
名稱後世遂以姪名阿咸姊妹之子曰出出音翠
妯娌相呼曰姒左傳曰吾不以妾爲姒感槩感意
氣而立節槩也椎埋椎殺人而埋之也弄丸宜僚
弄丸以止白公之兵也浮白舉大觴也呼五白擲
骰也探丸長安俠少年殺官吏探赤丸白丸以爲
約也闖茸猥弱貌恣睢謂恣意怒視也跣跣跣者

跣落無檢局也弛者放廢不遵禮法也伊蒲蒲飯也伊吾誦讀聲也一作伊唔罄折曲躬也脂韋突梯滑稽呖些訾慄斯喔咿儒兒挈楹俱軟媚貌出離騷顏行鴈行也頡頏兩羽相竝飛也棹楔音綽契樹門扁也詿誤詿議而錯誤非其罪也湔滌洗寃也宵貌宵肖也言其貌有所肖似也故妄庸之人謂之不肖清盧盧目童子也清盧美目也甘泉賦玉女無所眺其清盧兮耳食浮慕虛聲之人如以耳食不實耳剽耳剽竊以聽也掩口胡盧絕倒解

顧捧腹噴飯俱笑也戟手叉手軒渠如戟也王媼
戟手而罵僧一行抵掌側手擊掌也股栗言恐懼
之甚股肉戰栗也跳身謂身跳而出走也累息謂
憊而累喘息也貌侵亦作頽寢短陋不揚也膝席
以膝跪席上也箕筵伸兩腳而坐如箕形也主臣
主繫也臣伏也言繫伏惶恐也重足而立言恐懼
重疊其足而立也蹠蹠蹠戾字蹠足掌也蹠蹠謂
足戾礙不可行也牢騷愁愴也僧有妻謂之梵嫂
道士畜家眷謂之火宅林薄草叢生處也跳沫言

水波急馳而泡沫跳起也盤渦言渦流盤回曲折也跼伏跼蹠也跼足而伏藏也錢名泉刀者以其利于刀流于泉也陽猷日光著塵微風吹之名曰陽猷又云野馬黃白者神仙家言黃金白銀也榆莢錢謂輕如榆莢也莢音頰朱提銀朱提縣名其地出善銀也涑水金涑水北方縣名其金可爲丹鼎金膏黃金膏可以接骨鬻尊漢書孝王有鬻尊上刻山水雲雷之象窶數戴器也以盆盛物戴于頭者亦猶寄生之草戴樹而下垂故東方朔以寄

生爲窶數也金曾經在丘塚及爲釵釧渡器陶隱
居謂之辱金不可合鍊鍍音環金六兩爲鍍蘭號
國香桂號天香影組影飄組綬也劉孝標絕交論
影組雲臺言登仕雲臺也絮酒以綿漬酒也徐穉
以吊知已雕蟲蠹蟲能雕書字也雕龍雕虎謂龍
虎文如雕畫也俗語急疾頃刻曰宙咤一作咄嗟
晉書咄嗟而辨以皮冒鼓謂之鞞鼓音蠻呂氏春
秋子罕之隣爲鞞工踧瀝出酒曰酒竿音詐算法
名九九人以九九之法見齊桓公清臞亦作秀羸

說苑稱孫叔敖秀羸多能亦可稱文弱鬢音蠻女
子飾頭花勝也鏡聽卽今之響卜也李廓王建皆
有鏡聽詞此巫者降仙此也音箕耳衣卽今之暖
耳也唐人邊塞詩金裝腰帶重錦縫耳衣寒竭來
去來也遮莫猶云儘教也儲胥軍中藩落也謂高
其儲畜以須敵也竜卽龍字采阻采音米山川深
阻也石泐泐音勒石磨解也陜卽狹字秦始皇紀
從陜中度媯泐河東有一泉南流曰媯水北曰泐
書釐降二女于媯泐媯音規泐音瑞皮音偉皮閣

積藏食物晉書傾筐倒庋庋幾欲貌荀子庋得庋
失庋音規匭音鬼匣也蒔音時種也櫛音時籠也
僧音貴合市人牙僧也禴音貴衣領之交會也幘
音貴婦人喪冠也又音摑遳音偉是也𪔐𪔐音
灰醜面也淮南子嫫母𪔐𪔐音𪔐𪔐音𪔐𪔐音
聲詩𪔐𪔐其羽𪔐音悔小聲也詩鳴蜩𪔐𪔐音
悔水名又滌面也諛音惠多謀智也辨察也絕音
最束茅表位也漢叔孫通爲綿蕞之儀亦作綿蕞
馘卽衢卜繇繇音兆臙音翠枚乘七發甘臙臙臙

草犖犖力角切超絕也馭蘇合切馭鴛行疾也漢
有馭娑宮蠅卽蛙淫聲也牽率謂牽冗而草率也
郢音畫博局方目也又音拐𦰩音派麻紵也枌榆
漢書曰高祖禱豐枌榆社帝故鄉也揮霍躍舉也
媿媿言語不倦也蟬連言語不已也蘊崇左傳若
農夫之去草芟夷蘊崇之謂如芟草積而放火也
跼天踳地偃僂輕行也土圭以測天也𦔻音淵鼓
聲也鶩鵲魚麗陣名也桃弧棘矢漢十二月以除
妖災也挈瓶小智也挈鈴求名也爽塏塏高也爽

而光虧也合沓圍合而層沓也喧逐喧鬧也紛拏
雜亂也周遭重沓也砰隱大聲也旖旎弱垂也繚
繞圍繞也婀娜纖柔也蒙茸細亂也婀娜柔媚也
天矯卽天矯軒舉也趨捷軒疾也趨與蹻同蹻舉
與天矯同離奇輪囷突起也臃腫肥重也支離寂
歷也豪舉以豪俠相舉也龍鍾衰蹇也蛇蟺卽蛇
蟬盤曲也滌洄水屈曲也紆徊行曲轉也璀璨光
明也陸離分布也淫裔班曲也膠葛廣大也綽約
柔態也酷烈香也尚羊與消搖同卽容與也跟跡

奔走也拘攣束縛也包然咆勃猛也逶迤長貌也
翕赭閃爍也要眇深微也杈枒參差也睢盱矜視
也詰屈曲也偃蹇促傲也伉伉勇也灼爍光也水
縹碧深碧也嗟夫六合內外古今上下見聞多矣
余安能盡必欲盡之力必不辦臣精銷以口耳
而喪家實不可惜乎於是急輟筆不復爲世有鄭
僑張華取而以覆瓿耳

鴻苞集卷之二十一終

不孝子





